

四庫全書

集部

欽定四庫全書

集部

后山詩注卷二

詳校官庶吉士臣汪彥博

檢討臣何思鈞覆勘

總校官候補中書臣潘有為

校對官編修臣錢樾

謄錄監生臣周以燾

欽定四庫全書

集部三

后山詩注

別集類二 宋

提要

臣等謹案后山詩注十二卷宋陳師道撰任
淵注原本六卷此本作十二卷則淵作注時
每卷釐為二也淵生南北宋間去元祐諸人
不遠佚文遺跡往往而存即同時所與周旋
者亦一一能知始末故所注排比年月鈎稽

事實多能得作者本意然師道詩得自苦吟運思幽僻猝不易明方回號曰知詩而瀛奎律髓載其九日寄秦觀詩猶誤解末二句他可知矣又魏衍作師道集記稱其詩未嘗無謂而作故其言外寄託亦難以臆揣如送郭槩四川提刑詩之功名何用多莫為分外慮送杜純陝西轉漕詩之誰能留渴須遠井贈歐陽棐詩之歲歷四三仍此地家餘五一見今

朝觀六一堂圖書詩之厯數況有歸敢有貪
天功次韻蘇軾觀月聽琴詩之信有千丈清
不如一尺渾次韻蘇軾勸酒與詩之五士三
不同夙紀鳴蟬賦寄蘇軾詩之功名不朽聊
通袖海道無違具一舟寄張耒詩之打鴨起
鴛鴦離頰詩之叢竹防供鱖池魚已割鮮送
劉主簿詩之二父風流皆可繼排禪詆道不
須同送王元均詩之故國山河開始終以及

宿深明閣陳州門絕句寄曹州晁大夫等篇
非淵一一詳其本事今據文讀之有茫不知
為何語者即鉅野詩之蒲港對蓮塘儼偶相
配似乎不誤非淵親見其地亦不知港字當
為巷也其中如寄蘇軾詩之遙知丹地開黃
巷解記清波沒白鷗二語蓋宋敏求校定杜
詩誤改白鷗沒浩蕩句軾嘗論之見東坡志
林故師道借以為諷淵惟引其寄弟轍詩萬

里滄波沒兩鷗句則與上句丹地黃卷不相
應矣他如兒生未知父句實用孔融詩情生
一念中句實用陳鴻長恨歌傳度越周漢登
虞唐句虞唐顛倒實用韓愈詩孰知詩有驗
句以熟為孰實用杜甫詩而皆遺漏不注次
韻春懷詩塵生鳥跡多句鳥跡當為馬跡之
訛而引晉簡文牀塵鼠跡附會之齋居詩青
奴白牯靜相宜句牯字必誤而引白角簞附

會之謁龐籍墓詩叢篁侵道更須東句東字
必誤而引齊民要術東家種竹附會之至於
以謝客兒為客子以龍為龍伯皆舛謬顯然
淵亦絕不糾正是皆不免於微瑕據淵自序
其編次先後亦如所注山谷集例寓年譜於
目錄今考和豫章公黃梅二首注曰此篇編
次不論姑仍其舊又於紹聖三年下注曰是
歲春初后山當罷潁學而離潁等詩反在卷

終又有未離顓時所作魏本如此不欲深加
改正而於示三子詩則注曰此篇原在晁張
見過詩後今遷於此於雪後黃樓寄負山居
士詩則注曰此詩原在秋懷前今遷於此於
再次韻蘇公示兩歐陽五詩則注曰以東坡
集考之原在泛顓詩後今遷於此則亦有所
竄定非衍之舊又衍記稱師道卒於建中靖
國元年年四十九此集託始於元豐六年則

師道年已三十一不應三十歲前都無一詩
觀城南寓居二首列於元豐七年而注曰或
云熙寧間作則淵亦自疑之題趙士暕高軒
過圖一首淵引王立之詩話稱作詩後數月
間遂卒故其後更列送歐陽棐晁端仁王鞏
三詩今考王立之詩話實作數日無已卒士
暕贈以百鰓校其所錄情事作數日為是則
小誤亦所不免然援證古今具有條理其所

得者實多莊緯雞肋編嘗撫師道詩採用俚
語者十八條大致皆淵注所已及可知其用
意之密矣固與所注山谷集均可並傳不朽
也乾隆四十六年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

后山詩注卷一

宋 陳師道 撰

任淵 注

妾薄命二首

后山自注曰為曾南豐作○漢書許后傳曰奈何妾薄命端遇竟寧前故

曹植樂府有妾薄命篇

主家十二樓

鮑照煌煌京洛行曰鳳樓十二重按漢書雖有五城十二樓事與此意不同故不援

引後 傲此 一身當三千

白樂天詩曰後宮佳麗三千人三千寵愛在一身 后山以五字道之語簡

而意盡集中
如此甚衆

古來妾薄命事主不盡年起舞為主壽相

送南陽阡

言樂未畢而哀繼之也劉禹錫詩向來行哭里門道昨夜畫堂歌舞人后山蓋用此意莊

子曰可以盡年漢書高帝紀曰項伯亦起舞劉禹錫
那曲曰願郎千萬壽長作主人翁陶淵明挽歌向來相
送人各已歸其家漢書原涉傳涉父為南陽太守忍著
父死涉大治起塚舍買地開道立表署曰南陽阡

主衣裳為人作春妍

此二句及下篇向來一瓣香敬為曾南豐之句皆以自表見其不忍

更名他師也樂天燕子樓詩曰鈿暈羅衫色似煙幾回
欲著即潸然自從不舞霓裳曲疊在空箱十二年后山

蓋用此意而語尤高古
東坡詩云為人作容姿

有聲當徹天有淚當徹泉

劉子玄史

通載溫子昇永安故事曰怨痛之響上徹青天韓退之
詩上呼無時聞滴地淚到泉漢書賈山傳曰下徹二泉

死者恐無知

家語子貢問孔子曰死者有知乎將無知乎

妾身長自憐

謝玄暉銅

雀臺詩曰

况乃妾身輕楚辭九辯曰惆悵兮而私自憐

李太白去婦詞曰

孤妾長自憐世或苦后山之詩非一

過可了

近于枯淡彼其用意直追騷雅不求合于世俗

亦惟恃有東坡山谷之知也

自此兩公外政使舉世無

領解者渠亦

安暇恤哉

葉落風不起山空花自紅

兩句曲盡丘原悽慘意象文選潘安仁悼亡詩落葉委地

側枯葉帶墳隅南史謝貞詩風定花猶落

捐世不待老惠妾無其終

左傳曰抑君賜

不終注云惠

一死尚可忍百歲何當窮

忍死尚可死實難詩意謂安

賜不終也

得速死以從其主也晉宣帝紀魏明帝曰死乃

天地豈

復可忍吾忍死待君退之詩百年未老不得死

天地豈

不寬妾身自不容

孟郊詩出門即有礙誰謂天
地寬莊子云不容身于天下

死者如

有知殺身以相從向來歌舞地夜雨鳴寒蛩

師死而遂
背之讀此

詩亦少知愧矣南史范鎮曰王子知其祖先神靈所在
而不能殺身以從之淵明詩向來相送人老杜詩回首

可憐歌舞地爾
雅曰蟋蟀蛩

送外舅郭大夫緊西川提刑

丈人東南來復作西南去

風俗通曰易云師貞丈人吉
非徒取尊老亦須德行先人

也左傳曰杖莫如信
言其德可信杖也

連年萬里別更覺貧賤苦

老杜詩
復為萬

里別又云乃知
貧賤別更苦

王事有期程親年當喜懼

上句謂郭以
之官不得留

下句自謂母老不得去也

畏與妻子別已復迫曛暮

時后山妻子皆隨郭行迫曛暮

謂明日遂當作別老杜詩欲別向曛黑

何者最可憐兒生未知父

史記孔子世家

曰骨何者最大此用其句法

盜賊非人情蠻夷正狼顧功名何用多

莫作分外慮

郭樂為人頗喜功利二蘇章疏皆嘗論列故后山每詩多有諷戒盜賊本非人所樂

為必在位者有以致之蠻夷方懷貳而不以無事鎮之則邊隙開矣前漢食貨志失時不雨民且狼顧注云狼性怯走且還顧晉書王羲之傳遺殷浩書曰若猶以前事為未工故復求之于分外宇宙雖廣自容何所萬

里早歸來九折慎馳騫

九折坂雖用前漢王吉事實戒其行險也老杜詩云早歸來黃

土污衣眼易眯又

嫁女不離家生男已當戶曲逆老不

侯知人公豈誤

后山以貧故妻子嘗寄食槩家異乎張負所以期陳平者矣故有曲逆不侯之

歟傳玄豫章行云男兒當門戶墮地自生神

送內

鹿麋顧其子

爾雅鹿牡麋牝麋其子麋麋牡麋牝麋其子麋韓非子曰孟孫獵得麋其母隨之而

啼燕雀各有隨

禮記三年問曰今是大鳥獸則失喪其羣匹越月踰時焉則必反巡過其故鄉

翔回焉鳴號焉蹢躅焉踟躕焉然後乃能去之小者至于燕雀猶有啁噍之頃焉禮記又曰行則有隨立則有

序退之詩禍福各有隨

與子為夫婦五年三別離兒女豈不懷母

老妹已笄父子各從母可喜亦可悲

此語悽然可念後篇又曰吾母亦念

我與爾寧相望誦之使人孝愛之心油然而生所謂發乎情止乎禮義者也 關河萬里道子

去何當歸

後漢鄧禹傳論曰關河響動此借用其字老杜詩黃塵翳沙漠念子何當歸

三歲

不可道白首以為期

選詩努力崇明德皓首以為期

百畝未為多數口

可無飢吞聲不敢盡欲怨當歸誰

莊子大宗師篇子桑曰吾思夫使我至此

極者而弗得也父母豈欲吾貧哉天地豈私貧我哉求其為之而不得也百畝數口用孟子意文選江淹恨賦曰莫不飲恨而吞聲老杜詩吞聲勿復道真宰意茫茫退之薛君墓銘曰身不得年又將尤誰

別三子

夫婦死同穴

大車詩曰穀則異室死則同穴后山雖用此語而其意則謂夫婦生常別離至死方

獲同穴此所以可悲也世說郝嘉賓婦父子貧賤離晉

曰生縱不得與郝郎同室死寧不同穴

殷浩傳詠曹顏遠詩曰富貴他人合貧賤親戚離

天下寧有此昔聞今見之後漢

伏后傳曹操逼帝廢后獻帝謂郝慮曰郝公天下寧有

是耶此事亦夫婦不相保者故后山取其語用之雖使

事而無迹母前三子後熟視不得追

餘多倣此

乎胡不仁使我至于斯

孟子亦曰夫何使

我至于此極也

有女初束髮

韓詩外傳曰夫人為婦

髮屬授明師

已知生離悲

家語曰孔子晨興顏回侍側

以成其材

但為死者而已又為生別離者子曰回

枕我不肯起畏

善于知音楚辭曰悲莫悲兮生別離

我從此辭

老杜詩嬌兒不離膝畏我卻復去

大兒學語言拜揖未勝衣

老杜詩驥子好男兒

前年學語時史記三王世家曰皇子賴天能勝衣趨拜

喚爺我欲去此

語那可思

元稹詩小女呼爺血垂淚南史何點哀樂過人嘗行逢葬者歎曰此哭者之懷豈可思耶

悲慟不能禁

小兒襁褓間抱負有母慈

漢書衛青傳臣青子在襁褓中按宣帝紀

注云襁即今之小兒綳也褓小兒被也禮記內則曰子生三日始負之注云負之謂抱之而使鄉前老杜詩家

貧仰母慈

汝哭猶在耳我懷人得知

左氏曰言猶在耳退之詩嬌女未絕乳念之不

能忘忽如在我前耳若聞啼聲人得知猶言人那得知也老杜詩彼蒼回斡人得知

寄外舅郭大夫

巴蜀通歸使妻孥且舊居

詩曰樂爾妻孥注云孥子也老杜得家書詩曰今日得消

息他鄉且舊居

深知報消息不忍問何如

老杜詩反畏消息來寸心亦何有又云道

甫問訊今何如字本出禮記文王世子

身健何妨遠

樂天詩且到來歲期不知身健否

親未肯疏

表記曰情疏而貌親在小人則穿窬之盜也歟老杜詩情親獨有君

功名欺老

病淚盡數行書

魯直詩淚盡才難日韓非子曰卞和泣盡繼之以血

城南寓居二首

游子暮何歸

文選李少卿詩攜手上河梁游子暮何之

韋杜城南村

韋曲杜曲皆在

長安之南三秦記所謂城南韋杜去天尺五也

秋水深可測挽衣踏行雲

老杜詩短

衣數挽不掩脛踏行雲謂踏水中道暗失歸處棲鳥故

雲影猶賈鳥船壓水中天之句

不喧因棲鳥之喧庶可物色歸路今特不喧似欲相撩此句殊有味選詩路暗光已夕退之詩從此識歸

處老杜詩已添無數鳥爭浴故相喧又云鷗輕故不還牛羊閑籬落稚子猶在門

黃魯直詩牛羊卧籬落按君子于役詩曰日之夕矣牛羊下來陶淵明歸去來辭云稚子候門

潭潭光明殿稽首西方僊

華嚴十定品離世間品皆云佛在摩竭提國菩提場中始

成正覺普光明殿入剎那際三昧李長者謂是如平生來大智自果所居之報宅退之詩潭潭府中居

修何行步有黃金蓮

大論云佛足行時去地四指蓮花捧足傳燈錄云佛初生地涌金蓮

花自然捧佛足

我豈昔好徑報以履下穿

老子曰大道甚夷而民好徑莊子曰衣敝

履
穿洗足坐道場卒卒此何緣

金剛經曰洗足已敷坐而坐法華經曰大通智勝佛

十劫坐道場漢書司馬遷書曰卒卒無須臾之間

憶少子

端也早豐下歲晚未可量

左氏傳曰穀也食子難也收子穀也豐下必有後于魯國

注云食子奉祭祀共養者也豐下蓋面方

我老不自食安得如我長

漢書韓信傳漂

母曰丈夫不能自食

吾哀王孫而進食豈望報乎老杜

示宗武詩曰假日從時飲明年共我長玉臺新詠焦仲

卿妻詩曰今日被呱呱棄不子退省未始忘

上句見書益稷退省

驅遣小姑如我長

其私用後漢第五倫私其子之意退之詩嬌兒未絕乳念之不能忘

吾母亦念我與爾寧

相望

唐書肅宗張后傳曰端午日肅宗召見山人李唐帝方擁幼女顧唐曰我念之無怪也唐曰太上皇

今日亦當念陛下此詩暗用其意相望言各在天一方也老杜詩人事多錯迕與君永相望

絕句

翼翼陳州門萬里遷人道昔人死別處一笑欲絕倒

此篇

與前篇蓮字韻按舊本乃秋懷十首之二其後刪去而僅存耳此篇全章云翼翼陳州門萬里遷人道雨淚落成血著木木立槁今年蘇禮部馬跡猶未掃昔人死別處一笑欲絕倒元祐初后山來京師寓居陳州門故秋懷詩又有朝暮陳州門悠悠此何為之句時東坡新自登州召為禮部郎中復入帝城此后山所喜也老杜詩孰知是死別且復傷其寒

晉書衛玠談道平子絕倒

寄外舅郭大夫

丈人魯諸生明刑如臯陶

漢書叔孫通曰臣願徵魯諸生泮水詩曰淑問如臯陶

幸寬右顧憂

後漢書寇恂傳鄧禹曰昔高祖任蕭何于關中無復西顧之憂

未惜一身

遙

文選歐陽堅石詩不惜一身死老杜詩天涯涕淚一身遙

西南萬里行可以斷繩

橋

意欲其不勤遠畧也老杜詩蜀嶺防秋急繩橋戰勝遲

慎勿冠惠文神母仁如

堯

王子年拾遺記曰有青虹繞神母即覺有娠而生庖犧此引用比宣仁高太后時太后臨朝專務以德化

民女主之堯舜也漢書張敞傳張武曰梁國大都吏民彫敝且尚以柱後惠文彈治之耳秦時獄法吏冠柱後

惠文武意欲以

刑法治梁故云

贈二蘇公

岷峨之山中巴江

老杜詩中巴之東巴東山天地開闢流其間

桂椒栴櫨楓

柞樟青金黃玉丹砂良獸皮鳥羽不足當

退之送廖道士歸衡山序

曰其水土之所生神氣之所感白金水銀丹砂石英鍾乳橘柚之包竹箭之美千尋之名材不能獨當奇也意必有魁奇忠信材德之民生其間此篇蓋用此意而句法則退之陸渾山火詩也左太冲蜀都賦曰栴櫨幽藹于谷底吳都賦曰異人間出駭四方

南史蕭子顯傳曰嘗聞異人間出今

木則楓柞豫樟

異人間出駭四方

日始見知嚴王陳李司馬揚

嚴君平王褒陳子昂李太白司馬相如揚雄皆蜀人

是蕭尚書王羲之與蜀太守帖云嚴君

一翁二季對相望

謂三蘇也言與

平司馬相如揚雄皆有後否

諸人相望
于千載

奇寶橫道驥服箱

退之薦樊宗師書曰誠不
忍奇寶橫棄道側驥服箱

用戰國策驥服鹽車事張平
子思玄賦曰繫驥裏以服箱

誰其識者有歐陽

退之琴
操曰巫

咸上天兮識者其誰歐公作老蘇墓誌曰當至和嘉祐
之間與其二子軾轍皆至京師翰林學士歐陽修得其
所著書二十二篇獻諸朝既出而公卿士大夫爭傳之
其二子舉進士皆在高等亦以文學稱于時眉山在西
南數千里外一日父子隱然名大科異等固其常

東坡
兄弟

皆應賢良科東坡策入三等謝啓曰
誤中久虛之等老杜詩自適固其常

小卻盛之白玉堂

晉人帖中往往用小卻字其意猶言少退也南史宋武
帝紀帝疾甚召太子戒之曰謝晦數從征伐頗識機變
若有同異必此人也小卻可以會稽江州處之楚辭劉
向九歎曰紫貝闕而白玉堂按翰林志曰時以登翰苑者

謂登王署王堂焉詩意謂縱
未大用尚當以詞禁處之
典謨雅頌用所長度越周

漢登虞唐

漢書揚雄傳論曰則必度越諸子矣注云度
過也司馬相如難蜀父老辭曰上咸五下登

三注云言漢德與五帝皆盛而登于三王
之上也選詩亦曰仁固開周義高登漢
千載之下有

素王

杜預左傳序曰說者以為仲尼自衛反魯修春秋
立素王又按漢書董仲舒策曰孔子作春秋先正

王而繫以萬事
見素王之文焉
平陳鄭毛視荒荒
言先儒所見之不明
也平陳書學鄭毛詩

學以終上句典謨雅頌之意前漢書儒林傳曰林尊事
歐陽高為博士授平當陳翁生田是歐陽尚書有平陳
之學又曰毛公治詩為河間獻王博士後漢鄭玄傳曰
玄注易尚書毛詩老杜詩野曰荒荒白退之祭文云而
視荒荒而髮蒼蒼俗
本荒荒作茫茫非是
後生不作諸老亡文體變化未可

量

謂熙豐間新學之弊沈約宋書謝靈運傳論曰自漢至魏四百餘年詞人才子文體三變老杜詩字體變

化如

萬口一律如吃羌

退之平淮西碑曰萬口和附并為一談又樊宗師銘曰惟古于

詞必已出降而不能乃剽脫後皆指前沿相襲由漢迄今用一律

妖狐幻人大陸梁

文說

曰狐妖獸鬼所乘郭氏玄中記曰千歲之狐為淫婦百歲之狐為美女張平子西京賦曰怪獸陸梁甘泉賦注

云陸梁

虎豹卻走逢牛羊

虎豹牛羊用魯論何以文為之意韓詩外傳曰卻走而求

逮于

上帝惠顧祓不祥

揚雄長楊賦曰上帝眷顧左傳曰君若不忘先君之好惠顧寡

人韓詩外傳曰鄭國之俗三月上巳秉蘭草祓除不祥

天門夜下龍虎章

真誥有八雲龍

篆明光章又有玉清神虎章又按黃庭內景經曰黃衣紫帶龍虎章意與真誥異然此詩特取其語爾

前

驅吳回後炎皇

詩曰伯也執殳為王前驅史記楚世家帝嚳以吳回為重黎後復居火正為祝

融帝王世紀曰炎帝長于姜水以火承木位在南方主夏故謂之炎帝

絳旂丹轂朱冠裳

從以甲冑萬鬼行

揚雄傳曰朱丹其轂

乘風縱燎無留藏

吳志呂蒙傳取

闔船實以薪草灌油其中乘風縱之同時發火悉延燒曹公岸上營

天高地下日月光

禮記

樂記曰天高地下萬物散殊

授公以柄扶病傷

漢書梅福曰倒持太阿授楚其柄李廣傳

殺死扶傷不暇

士如稻苗待公秧

老杜補稻畦水詩云插秧適云己

臨流不度

公為航

用傳說作舟楫之意張平子思立賦曰譬臨流而無航

如大醫王治膏肓

金光明經曰流水長者能益眾生無量壽命汝今真是大醫之王善治眾生無量重病維摩經亦云為大醫王

善療衆病左氏傳晉侯夢疾為二豎子其一曰居膏之上育之下若我何注云育鬲也心下為膏外證

已解中尚強

外證已解之語張仲景方書中多有之左氏傳云外強中乾此反而用之探囊

一試黃昏湯

一本云願借上古黃昏湯按圖經本草曰合歡夜合也一名合昏韋宙獨行方胸中

甲錯是為肺癰黃昏湯治之取夜合皮一洗十年新學

腸

新學謂王介甫經學也史記扁鵲傳曰湍浣腸胃

老生塞口不敢嘗

漢書朱博傳曰

贛老生不習吏禮侯喜石鼎聯句曰向來狂殺今尚狂塞口且吞聲魯論曰丘未達不敢嘗

請公別試囊中方

難經曰狂癲之病自高賢也自辨智也故此詩引用黃魯直詩亦云醫得

書生自聖顛老杜詩未試囊中餐玉法又云囊中藥未陳

南豐先生挽詞二首

早棄人間事

漢書張良傳願棄人間事欲從赤松子遊耳

真從地下遊

漢書朱雲

傳臣得下從龍逢比干遊于地下足矣故白樂天哭

原無起日

禮記檀弓趙文子與叔譽觀乎九原文子曰死者如可作也吾誰與歸注云作起也老杜

詩多病馬卿無日起

江漢有東流

此言九原雖不可作而文章之令名常與江漢俱存老杜所謂

爾曹身與名俱滅不廢江河萬古流王介甫贈南豐身

世從違裏

選詩曰身世兩相棄又淵明歸去來辭曰世與我而相違退之詩觀以彛訓或從違南豐

仕宦不偶晚得掌誥以憂去遂死蓋從違各半也

功言取次休

左傳穆叔曰太上有立德其次

有立功其次有立言晉書杜預傳預常言德不可以企及立言立功可庶幾也

不應須禮樂始

作後程仇

后山自謂也文中子卷末載魏徵曰大業之際徵也嘗與諸賢侍文中子謂徵及房杜曰

先輩雖聰明特達然非董薛程仇之比雖達明主必愧禮樂按程元仇璋皆文中子高弟后山自謂其材本自

不及程仇不待議禮樂而判優劣也

精爽回長夜

左傳曰心之精爽是謂魂魄王仲宣詩長夜何冥冥

衣冠出廣庭

謂

事陳

勲庸留琬琰形像付丹青

周禮王功曰勲民功曰庸明皇孝經序曰寫之

琬琰

庶有補于將來老杜詩形像丹青逼王介甫作蘇才翁挽詞曰音容歸繪畫才業付兒孫

道喪餘

篇翰人亡更典刑

老杜詩磨滅餘篇翰詩云人之云亡邦國殄瘁又曰雖無老成人尚有典

刑侯芭才一足白首太玄經

亦后山自謂也揚雄傳鉅鹿侯芭常從雄居受其太

玄法言呂氏春秋魯哀公問于孔子曰樂正夔一足矣李太白詩誰能書閣下白首太玄經

暑雨

密雨吹不斷貧居常閉門東溟容有限西極更能存

言積

雨之甚西極往往漂蕩不能自存西極謂天柱也老杜詩西極柱亦傾按列子湯問曰共工氏與顓頊爭為帝怒而觸不周之山折天柱絕地維故天傾西北地不滿東南注云不周山在西北之極老杜建都詩曰其如西極存又詩移東濕炊懸釜
謂濕薪也韓非子曰智伯圍
晉陽城襄子決晉水灌之懸釜而炊
翻牀補壞垣
左傳子產壞晉館垣唐人詩穴垣補牆隙
倒

身無著處

此老杜牀牀屋漏無乾處之意退之輩詩呵

手不成溫

言為積陰所侵也王維詩旋呵凍手暖髭鬚

送江楚州

濠梁初得意

言有所悟入也晉書王坦之傳謝安曰常謂君麤得鄙趣者猶未悟之濠上耶莊子

與惠子游于濠梁之上莊子曰儵魚出游從容是魚樂也惠子曰子非魚安知魚之樂莊子云子非我安知我不知魚之樂云云莊子又曰筌者所以在魚

詩

闕里在今兗州仙源縣漢晉春秋曰闕里者仲尼之故宅也孔子嘗許商賜可與言詩此借用豈后山與

楚州皆出南豐之門耶

晚歲何多難

老杜云朔經年始

老杜詩疇昔論詩早

一辭

表記云君子三揖而進一辭而退
老杜詩青瑣陪雙入銅梁阻一辭淮人饑饉後王介

甫送吳仲純詩久為漢吏良吏拊循時
前漢循吏傳序

知文法當使淮人服教條良吏拊循時
曰漢世良吏於

是為盛蕭何傳欲託山陽簿翁歸不受私
南豐之子綰

為山陽簿○前漢尹翁歸拜東海太守過辭廷尉于定

國定國欲屬託邑子兩人終日不敢見曰此賢將汝不

任事也又不可干以私爰盜傳申屠嘉曰使

君所言公事吾且奏之則私吾不受私語

送江端禮

季共○黃魯直跋后山刀簡工詩曰陳
留江季共言行中規矩極似孫莘老少

時

正學元非世

漢書轅固謂公孫弘曰公孫子
務正學以言無曲學以阿世能詩新有

聲

退之石鼎聯句詩序曰侯喜新有能詩聲

諸公交鄭泰

後漢鄭太少有才略交結豪傑名聞

山東三國志太作泰

多士閑何生

退之傳何蕃云蕃閔親之老一日揖諸生歸養于和州諸生不

能止乃閑

汎愛經過數

汎愛字見魯論選詩趙李相經過

移書底裏傾

前漢龔遂傳云移書屬縣後漢竇融傳云自以底裏上露

又為淮海別病眼向誰明

張籍詩三年病眼今年校

晁无咎張文潛見過

白社雙林去

此句后山自言其偶出晉書董京傳常宿白社中傳燈錄傳大士致書于梁高祖曰

雙林樹下當來解脫善慧大士後捨宅于松下建高軒寺因雙檣樹名曰雙林后山學佛故以大士自況

二妙來

此句言晁張見過李賀傳賀七歲能辭章韓愈皇甫湜過其家使賀賦詩援筆輒就自目曰高

軒過晉衛瓘傳瓘與索靖俱善草書人號為二妙老杜詩暫往比隣去空聞二妙歸排門衝鳥雀

排門用琪噲排闥字韓偓詩船衝水鳥飛還住袖拂楊花去又來老杜詩柴門鳥雀噪揮壁帶塵

埃

吳融贈晉光草書歌曰人家好壁試揮拂瞬目已留三兩行

不憚除堂費

左傳曰將為子

除館于西河前漢孫寶傳張忠欲令寶授子經更為除舍注云除謂修飾掃除也深愁載酒回

漢書揚雄傳時有好事者載酒肴從游學太白詩稽山無賀老空掉酒船回功名付公等

詩致君堯舜付公等歸路在蓬萊晁張時在館中故也後漢鄧訓傳學者稱東觀為道家蓬萊山

老杜詩指點虛無引歸路

次韻答邢居實二首

居實字敦夫邢恕和叔子少有俊聲

漢庭用少公何在

樂天詩曰漢庭重少公何在按漢武故事顏駟曰文帝好文而臣好武景

帝好老而臣尚少陛下好少而臣已老是以三世不遇也

不使羣飛接羽翰

退之祭柳子厚

文云羣飛刺天歐公詩晚得飛翔接羽翰

今代貴人須白髮掛冠高處未宜

彈

邢詩云微意平生在海塵冠今日為君彈王立之詩話云元祐初多用老成故后山有此句掛冠見後

漢逢萌傳彈冠見前漢王吉傳

秋來為客意何如千里河山信不疎

老杜詩秋來為客情李商隱詩比來

秋興復何如戰國策吳起曰河山之險信不足保也此言信不疎謂心意相許與不以遠而疎也

昔日

老人今則少

戲謂若比當代貴人文呂諸公猶為少年也樂天詩云猶有誇張少年處時呼張丈

喚殷兄

不妨紅葉閉門書

尚書故實曰鄭虔學書而病無紙知慈恩寺有柿葉數屋遂借

僧房居止日取紅葉學書李商隱詩守道清秋還寂寞葉丹苔碧閉門時

丞相溫公挽詞三首

恭默思良弼

尚書說命恭默思道夢帝賚予良弼哲廟諒闇中以溫公為相故用此事

詩書

正百工

言以經術師表百僚也堯典曰允釐百工

事多違謝傳

晉書謝安出鎮新城疾篤

還都自以本志不遂深

天遽奪楊公

唐書楊綰傳綰薨肅宗詔羣臣曰天

自慨失既薨贈太傅

一代風流盡

南史張融哭張緒曰阿兄何奪綰之速耶

詩一代風流盡用此事也

三師禮數崇

司馬公薨二聖哭之甚哀贈太師溫國公選詩任昉哭范

雲曰平生禮數絕李善注引左氏名位不同禮亦異數劉禹錫詩魏闕新知禮數崇

若無天下議

美惡併成空

歐公詩云後世苟不公至今無賢聖

百姓歸周老

孟子曰伯夷太公聞文王作興曰盍歸乎來吾聞西伯善養老者二老者天下之大

老也而歸之是天下之父歸之也天下之父歸之其子焉往東坡作溫公行狀曰神宗崩公赴闕臨民遮道呼

曰公無歸洛留相天子活百姓所在數千人聚觀之

三年待魯儒

魯論子曰如有用我者期月而

已可也三年有成魯儒見莊子

時方隨日化身已要人扶

黃魯直見此句歎曰陳三

真不可及蓋天不憖遺之悲盡于此矣前漢許后傳曰世俗歲殊時變日化老杜詩此生已愧須人扶樂天詩

登山與臨水猶未要人扶據行狀哲宗初公為門下侍郎元祐元年正月公始得疾疾甚詔公肩輿至內東門子康扶入對小殿九月薨于西府銘詩亦曰為政一年疾病半之功則多矣百年之思玉几雖來

晚明堂訖授圖

言溫公雖不預顧命而竟輔幼主也尚書顧命皇后憑玉几導揚末命禮記曰

昔者周公朝諸侯于明堂之位史記外戚世家曰武帝召畫工圖畫周公負成王以賜霍光心知死

諸葛

呂不韋傳子楚心知所謂漢晉春秋云死諸葛走生仲達事見蜀志諸葛亮傳注及晉書宣帝紀

終不羨曹蜍

世說庾道季曰廉頗蘭相如雖千載尚凜凜恒有生氣曹蜍李志雖見在厭厭如九

泉下人兩句合二事用之如老杜淮王門下客終不愧孫登是也

少學真成己

禮記中庸誠者非自成己而已也所以成物也成己仁也成物智也溫公平日之學

以誠為本 中年託著書

英宗命公為編年一書神宗賜其書名資治通鑑公與王介甫論政不合

出知永興軍乞判西京留司御史臺以歸居洛十五輟年皆以書局自隨史記曰虞卿非窮愁亦不能著書輟

耕扶日月

此萃野之事也宋王九辨曰農夫輟耕而容與王介甫作韓魏公挽詩云親扶日轂上天

衢起廢極吹噓

公既執政士大夫得罪于熙豐者極力薦引而用之日月吹噓字雖不對而事

勢氣象實相等此詩人之妙也柳子厚文有起廢答按漢書司馬遷傳曰補弊起廢魏志鄭渾曰孔公緒能清

談高論噓枯吹生老杜詩惟待吹噓送上天

得志寧論晚成功不願餘行狀又曰

公自以遭遇聖明言聽計從欲以身徇天下躬親庶務病革不復自覺諄諄然皆朝廷天下大事也以此觀之

其汲汲于功業豈肯遺餘力哉文選左太沖詠史詩曰貴足不願餘此借用

一為天下慟不

敢愛吾廬

東坡祭歐公文曰蓋上為天下慟而下以哭其私此反而用之言不復哭吾之私也淵明

詩曰吾亦愛吾廬此借用其字廬謂吾所庇託焉耳老杜詩安得廣厦千萬間大庇天下寒士俱歡顏風雨不動安如山嗚呼何時眼前突兀見此屋吾廬獨破受凍死亦足蓋以天下為憂而忘其私也后山用此意

次韻答學者四首

后山自注云黃州何郎兄弟○曾慥詩選云何韻字斯舉黃岡

人嘗從蘇

黃問學

津津爽氣貫眉目十五男兒萬里身

莊子庚桑楚篇老子謂南榮趺曰然

而其中津津乎猶有惡也此借用其字

筆下倒傾三峽水

老杜詩曰詞源倒流三峽水

胸中別作一家春

傳燈錄僧問崇信曰翠微迎羅漢意作麼生師曰別是一家春樂天詩云

盤下中分兩州界
燈前合作一家春

黃塵投老得何郎

王介甫詩黃塵投老倦息息

准擬明年共我長

杜老

詩春來准擬開懷久又示
宗武詩曰明年共我長

熏沐不為杯酒汙

欲其修潔
不作少年

態也國語曰三疊三沐注云疊一作熏漢書司馬遷書曰未嘗銜杯酒接殷勤之歡

飛揚未許老

夫量

老杜贈李太白云飛揚跋扈為誰雄本借用北史帝紀齊高歡語文選任彥昇作王文憲集序載袁

桑與詩云老夫亦何寄之子照清襟

暗中摸索不難知

國史纂異許敬宗性輕見人多忘之或謂其不聰乃曰卿自難記若遇曹

劉沈謝暗中摸索著亦可識

眼裏輪囷卻見稀

前漢鄒陽傳蟠木根柢輪囷離奇而為萬

乘器者以左右先為之容也

行地徑須先八駿

易坤卦曰牝馬

注輪困離奇委曲盤戾也

地類行地無疆八刺天終不羨羣飛

退之祭柳子厚文曰子之視人自以

駿見穆天子傳

無前一斤不復羣飛刺天

越絕書楚王召風胡子令之吳越見

太阿無前鋒不缺

歐冶子使為鐵劍三枚一曰龍泉二

曰太阿三曰工市莊子說劍曰此劍直之無前漢書賈

誼傳曰釋斤斧之用而欲嬰以芒刃臣以為不缺則折

鉛刀不堪供一切

後漢班固賓戲曰鉛刀皆能一斷十

至柔繞指剛則折

文選劉琨詩何意百煉剛化為繞指柔老子曰太剛則折

之光奪月

莊子庖丁善刀而藏之酉陽雜俎曰李廣琛有劍或風雨夜迸光出室環照方丈李白上

李長史書曰
明奪秋月

次韻秦觀聽雞聞鴈二首

行斷哀多影下留

老杜歸鴈詩行斷不堪聞又孤鴈詩哀多如更聞文選江文通詩寒郊無

留影有人中夜攬衣裘

選詩憂愁不能寐攬衣起徘徊

筆頭細字真堪恨

眼裏長檠不解愁

哀樂無定隨境而變此寒士貴人同聞而異趣也退之短檠歌曰太學儒

生東魯客二十辭親來射策夜書細字綴語言兩目眇昏頭雪白此時提攜當案前看書到曉那能眠一朝富貴還自恣長檠高照珠翠吁嗟世事無不然牆角君看短檠棄

立馬堦除待一鳴何如春夢不聞聲

言朝士汲汲不固如閒居之適也

知雞口羞牛後不待鳴羣已可驚

史記蘇秦傳寧為雞口無為牛後楚世家

曰有鳥在于阜三年不鳴鳴必驚人僧祇律曰天帝釋化為羔子鳴羣喚母

嘲秦觀

觀字少章秦觀少游之弟按王立之詩話少章登第後方娶后山作此詩時猶未娶

也故多戲句

長鋏歸來夜帳空

史記孟嘗君傳馮驩彈劍而歌曰長鋏歸來乎無以為家文選孔稚圭北

山移文曰蕙帳空今夜鶴怨

衡陽回鴈耳偏聰

戲其獨宿無寐也衡山有回鴈峯耳聰用

晉書殷仲堪父聞蟻鬪事

若為借與春風看無限珠璣咳唾中

杜牧之送

李羣玉詩曰玉白花紅三百首五陵誰唱與春風後漢趙壹傳咳唾自成珠

和豫章公黃梅二首

豫章公謂黃魯直
魯直蓋豫章人

寒裏一枝春白間千點黃

荊州記陸凱寄蔚宗梅花詩
曰江南無所有聊贈一枝春

道人不好色行處若為香

梁書蕭譽不好色惡見婦人
相去數丈猶聞其臭此句暗

用其意豫章戒律甚嚴故有道人語花
香惱人政由愛著愛既忘矣香復奚為

色輕花更豔體弱香自永

樂天詩貴妃婉轉侍君側體
弱不勝珠翠繁東坡茶蘼詩

不妝豔已絕玉質金作裳

枚摺詩金玉其相注相質也
文選劉越石表曰玉質幼彰

西京雜記上作黃鵲歌

山明風弄影

選詩山明望松雪
王介甫詩波梅弄

影爭先舞按文選舞
鶴賦疊霜毛而弄影

答張文潛

后山自注曰來詩云欲餉子桑歸問婦食簞過午尚懸牆

我貧無一錐

傳燈錄為山傳香嚴頌曰去年貧未是貧今年貧始是貧去年貧尚有卓錫之地今年

年錐也無

所向皆四壁

漢書司馬相如傳家徒四壁立

瀛洲足風露胡不減

飢色

唐書褚亮傳弘文館學士十八人天下所慕向謂登瀛洲文潛時在館中故用此事列子曰藐姑射

山在海河洲中山上有神人焉吸風飲露不食五穀又曰子列子窮容貌有飢色老杜詩蓬萊足雲氣

昔

聞杜氏子翦髻事尊容

杜氏子唐王珪母也老杜送王評事詩云我之曾老姑爾之高

祖母爾祖母未顯時歸為尚書婦隋朝大業末房杜俱交友長者來在門荒年自餬口家貧無供給客位但箕帚俄頃羞頗珍寂寥人散後入怪鬢髮空吁嗟為之久自陳翦髻鬢鬻市充杯酒按唐書王珪傳云珪母李氏與

杜詩不同或云李杜同出故
子美謂李為姑尊客出曲禮
左氏傳嬴氏謂晉太子圉曰寡
君使婢子待執巾櫛以固子也
君婦定應賢三梳奉巾櫛

后山詩注卷一

欽定四庫全書

后山詩注卷二

宋 陳師道 撰

任 淵 注

九日寄秦觀

疾風回雨水明霞

老杜詩殘夜水明樓

沙步叢祠欲暮鴉

柳子厚鐵爐步

志曰江之潯凡舟可縻而上下者曰步漢書陳勝傳注云叢祠謂草木岑蔚者

九日清樽欺白

髮十年為客負黃花

老杜詩生逢酒賦欺

登高懷遠心如在

登高蓋九

日故事文選潘岳秋興賦曰登山懷遠而悼近李善注引齊景公遊牛山流涕而歎晏子笑之云云杜牧之九日詩云古往今來只如向老逢辰意有加遇節物而多此牛山何必淚霑衣

淮海少年天下士

史記魯仲連傳吾乃今日知為天下之士也秦觀連水軍人在揚州之境

故云淮

可能無地落烏紗

用晉孟嘉落帽事唐令狐楚重陽日登落帽臺詩云貴重

近臣光綺席笑談從事落烏紗

巨野

餘力唐虞後沈人海岱西不應容桀黠寧復有青齊

山東

盜賊以巨野為淵數平人多被沈溺詩意謂非神禹留此餘力遺患後人也向使無此澤以受衆流青齊其為

魚矣此與東坡濫預堆賦同意禹貢曰海岱及淮惟徐州大野既豬東原底平大野一名鉅野史記貨殖傳曰桀黜奴人之所患也又漢書馮燈火魚成市帆檣藕帶奉世傳曰羌虜桀黜賊害吏民

泥劉夢得詩漁家燈火明老杜詩藥物楚老漁商市樂府黃淡思曰象牙作帆檣老杜詩採藕不洗泥十

年塵霧底瞥眼怪鳬鷺

新自京洛風塵中來故見水鳥而怪歎老杜詩呀坑瞥眼過

示三子

時三子已歸自外家

去遠即相忘歸近不可忍

脞說載獨孤遐詩曰近家心轉切不敢問來人兒女

已在眼眉目略不省

言別久不復記憶也選詩薜荔若在眼

喜極不得語

淚盡方一哂

東坡贈朱壽昌詩喜極無言淚如雨老杜詩畏虎不得語

了知不是夢

華嚴梵行品曰了知境界如幻如夢此反
而用之東坡詩如今不是夢真個在廬山
前漢王褒傳太子苦忽忽善忘不樂
雪峯禪師點胸云某甲言裏未穩在
忽忽心未穩

嗚呼行

去年米賤家賜粟百萬官倉不餘掬

元祐初左司諫朱
光廷奉使賑濟河

北不問民戶之等一槩支貸而河北措置司積年物斛
九百萬為之一空此詩所指豈謂是歟詩云終朝采綠
不盈一掬青錢隨賜費追呼昔日剜創今補肉
老杜詩恰有
三百青銅錢

北夢瑣言載聶夷中詩云二月賣新絲
五月糶新穀醫得眼下瘡剜卻心頭肉今年夏旱秋水

生江淮轉粟千里行

前漢鄒陽傳轉粟
流輸千里不絕

不應遠水救近

渴

此俗間語也韓非子亦有遠水救近火之語

空倉四壁雀不鳴

益州耆舊傳楊宣為

河內太守行縣有羣雀鳴宣曰前有覆車粟此雀相隨欲往食歐公詩寒雀聚空倉

似聞為政不

為費

善政當惠而不費徒惠而不知為政其可繼乎

兩不相傷兩相濟

老子曰兩不相

傷而德文歸焉此借用

十年斂積用一朝驚濤破山風動地

言非常之

政不可久也老杜詩築場看斂積莊子曰疾雷破山風振海而不能驚杜詩又云東南飄風動地至

秋懷示黃預

牕鳴風歷耳

柳子厚夢歸賦云風纒纒以經耳佛書有一歷耳根之語

道壞草侵衣

老杜詩壞道哀湍瀉

月到千家靜

老杜詩千家山郭靜朝暉

林昏一鳥歸

老杜詩日

暮歸幾翼北林空自
昏又云林昏罷幽磬

冥冥塵外趣

揚子曰鴻飛冥冥弋人何篡焉此借用

稍稍眼中稀

疑用杜詩眼前無俗物之意史記平原君傳賓客稍稍引去者過半太白詩古來相

接眼送老須公等秋碁未解圍

一作小合圍○老杜詩送老白雲邊曹攄圍碁

賦曰合圍促陣交相侵伐

送張支使

曠度逢知晚高才處不難

文選夏侯湛東方朔畫贊曰遠心曠度嵇康書云長才廣

度無所不淹

清秋一鶚上

後漢孔融薦禰衡云鶚鳥累百不如一鶚老杜鵬賦云當九秋之淒

清見一鶚之直上

拭目萬人看

文選揚修書云觀者駭視而拭目

白酒初同醉

周禮酒正注曰昔酒無事而飲也今之酋久白
酒所謂舊醕者也樂天詩花時同醉破春愁
黃花已

戒寒

禮記月令季秋之月曰鞠有黃
華國語曰火見而清風戒寒

憑將衰老事一一

報長安

長安蓋后山舊遊之地前詩
有城南寓居篇即長安所作

送杜侍御純陝西轉運

餽糧千里古無策木牛流馬功不極

漢書韓信傳千里
餽糧師不宿飽唐

書夷狄傳序劉貺謂漢無策蜀諸葛亮以木牛流馬運
竟坐糧不繼不能成功漢書刑法志曰兵寢刑措帝王

之極功
此借用
邊頭數米換黃金

老杜詩邊頭公卿仍獨驕莊
子曰簡髮而櫛數米而炊晉

書劉曜逼京師
米斗金二兩

將軍汗馬未伏櫪

史記晉世家曰矢石
之難汗馬之勞魏武

帝歌曰老驥伏櫪志在千里

點羌人面作夷語

後漢馬援傳曰點羌旅拒此乃太守事耳

漢書匈奴贊曰人面獸心老杜詩云千載琵琶作胡語

鳥鼠貪生爾如許

言鳥鼠尚知貪

生而黠羌輕生如此晉書王濬傳曰雀鼠貪生苟此一活耳

熊虎可避蟲可驅覆巢

熏穴意何如

言不必深入窮討也漢書匈奴傳嚴尤曰視夷狄之侵譬猶蟲之螫驅之而已禮記

曰不覆巢韓詩外傳曰社鼠熏之恐燒木老杜詩主簿意何如

漢虜相當庸可盡

選詩漢虜

方未和後漢南匈奴傳窮鳥困獸皆相救死況種類繁熾不可殫盡又傳論曰漢之疲耗略相當矣

聊城

正用一封書

史記魯仲連傳燕將保守聊城田單攻之下仲連乃為書約之以矢射城中燕將

見書自殺此詩言得人則一書可以弭難何必窮兵黷武哉老杜詩自寄一封書今已六月後

巧手莫

為無麪餅誰能留渴須遠井

兩句皆善用俗語言治邊不可無人材猶作餅不可

無麪而人材正自有可用者何必遠取如留渴以待井耶杜君自徐就改陝漕故詩云爾

國家有急

君得辭

漢書陳湯傳曰國家有急君其毋讓老杜送楊監赴蜀詩云相公鎮梁益軍事無才遺解榻再

見今用材復擇誰況君已高位為郡得固辭

徐人不勞敬關請

後漢種暡遷涼州刺史吏

民詣闕請留一年周禮關人注曰敬關猶謂關人也

隴上壯士莫捫舌

晉書載記曰隴上壯

士有陳安毛詩莫捫朕舌此借用以言壯士得食不復有仰哺之憂老杜詩曰運糧繩橋壯士喜

河西

狂王防繫頸

河西狂王謂夏國主也漢書西域傳坐知狂王當誅賈誼請必繫單于之頸

向

來此地幾送迎草間翁仲口不瘖十年兩熟飽可待一

歲四守人何心

言徐州數易守臣人必有不妥其生者漢書黃霸傳曰數易長吏送故迎新之

費及姦吏緣絕簿書盜財物水經注曰鄆南千秋亭壇廟之東枕道有兩石翁仲南北相對又按魏志明帝景初二年鑄銅人二列于司馬門外號曰翁仲東坡罷徐州寄子由詩曰道邊雙石人幾見太守發有知當解笑撫掌冠纓絕則徐州有石人可知后山此詩蓋用東坡意世說和長輿問楊石衛何在客曰向來不坐而去

老稚持車車不留

前漢韓延壽傳老稚扶持車轂

歸人不行行轉頭

歸人

特須臾未行行即遠矣唐崔塗詩曰自是不歸歸便得即此句法樂天詩萬事轉頭空

關中正須

蕭丞相

漢書蕭何守關中計戶轉漕給軍老杜詩關中正留蕭丞相

省內早要富民

侯

一本此下又有兩句曰可同一夫在所憫歲晚得無溝壑憂後刪去○漢書車千秋為丞相封富民侯

送楊侍禁兼寄顏黃二公二首

長道
魯直

相逢今已晚同府尚經年衆口不成虎

韓非子曰龐共與太子質于邯

鄴謂魏王曰夫市無虎明矣然而三人言成市虎今夫邯鄲去魏遠于市議臣者過三人願王察之諸公

更薦賢

更字作平聲讀

兩親須薄祿

說苑子路曰家貧親老者不擇祿而仕昔者由事二

親負米百里之外老杜詩上公有薦者累奏資薄祿

一障欲乘邊

漢書張湯傳武帝謂狄山曰吾

使生居一郡能無使虜入盜乎山曰不能復曰居一障間山曰能迺遣山乘障往問顏夫子何

妨試著鞭

欲令往見顏君以為道地顏君名復字長道晉書劉琨傳常恐祖生先吾著鞭

多問黃居士終年欠一書

漢書趙廣漢傳曰為我多謝問趙君元稹詩只是堂前欠

一 因人候消息

老杜詩因君問消息。君一作人。

有使報何如

古樂府曰有信

數寄書無信長相憶老杜詩欲問平安無使來

向晚逢楊子真堪託後車

文選魏文

帝與吳質書曰文學託乘于後車

親年方賴祿不惜借吹噓

阮嗣宗詩寵祿豈足

賴此反而用之言以親養之故也家語子路曰家貧親老不擇祿而仕魏志鄭渾曰孔公緒能清談高論噓枯

吹生南史謝朓傳士子聲名未立當共獎成無惜齒牙餘論

送外舅郭大夫夔路提刑

天險連三峽

易坎卦曰天險不可升也

官曹據上游

老杜詩何當官曹清漢書項羽

傳注曰上游水之上流也

百年雙鬢白萬里一身浮

老杜詩百年雙白鬢一別五秋

螢莊子曰其可使人無訟寧須意外憂無訟見魯論下句勸其不生事

也前詩亦云莫作分外慮晉書王彬傳荊州守文豈能意外行事平生晏平仲能費幾

狐裘勸其止足也用晉阮孚一生當著幾兩屐之意禮記檀弓有若曰晏子一狐裘三十年

雪後黃樓寄負山居士

張仲連

林廬煙不起老杜詩幾地別林廬城郭歲將窮退之詩歲窮寒氣驕雲日明

松雪

選詩雲日相輝映又詩山明望松雪

溪山進晚風老杜詩山谷進風涼人行圖

畫裏鳥度醉吟中

太白詩人行明鏡中鳥度屏風裏老杜詩飛閣捲簾圖畫裏唐白樂天自

號醉吟先生

不盡山陰興天留憶戴公晉書王徽之嘗居山陰夜雪初霽忽憶戴

遠達時在剡溪便夜乘小船詣之經宿方至造門不前而反人問其故微之曰本乘興而來興盡而反何必見安道耶后山謂興盡則未必相憶寧不為雪夜之行使有餘興也東坡訪張山人詩萬木鏤雲龍天留與戴公此借用

謝人寄酒

舊香餘味寄黃封

黃封謂宮酒以黃羅帕封之東坡詩上尊日日瀉黃封

厭見春

泥滿眼紅

紅泥謂外酒王介甫詩春泥滿眼路峴嶽此借用其字

千乘莫從公子

後

漢書韓王信傳陳豨慕魏公

百壺能為故人東

老杜詩不

有小舟能盪漿百壺那送酒如泉儀禮聘禮賓之幣惟馬出其餘皆東

從蘇公登後樓

倏作三年別才堪一解顏

列子第四篇曰五年之後心更念是非口更念利害老商

始一解顏而笑老商氏蓋列子之師也

樓孤帶清洛

老杜云樓孤屬晚晴元豐中導洛水以為

清汴南都水所過也

林缺見巴山

東坡蜀人當是時必有望遠思歸之意老杜詩何路出巴山

五月池無水

張籍詩六月人家井無水夜聞白鷺人盡起

千年鶴自還

續搜神記

曰遼東華表柱有鶴集其上曰去家千歲今始歸

白鷗沒浩蕩愛惜鬢毛斑

勸公

高退以安晚景也老杜詩白鷗沒浩蕩萬里誰能馴又曰更憶鬢毛斑

送蘇公知杭州

東坡出知杭州道由南京后山時為徐州教授告徐守孫覺願往見

而覺不之許乃託疾謁告來南京送別同舟東下
至宿而歸事見東坡送陳傳道書及劉安世彈章

平生羊荊州追送不作遠

羊荊州謂羊祜也以此東坡按晉書羊祜傳督荊州諸軍

又按晉書郭奕傳奕字大業為野王令羊祜嘗過之奕
歎曰羊叔子何必減郭大業少選復往又歎曰羊叔子
去人遠矣遂送祜出界數百里坐此免官后山既送東
坡為劉安世所彈乞正其罪嘗除太學博士又為言者
以此事論列遂罷此句殆亦詩識也有客詩云薄言追
之注云追送也世說范遠既去陶侃追送不已且百許
里文選孫子荆詩傾城

豈不畏簡書

言法令不許私出也詩云豈不懷歸

畏此簡書劉安世章亦云士于知己不無私恩既効于
官則有法令師道擅去官次陵茂郡將徇情亂法莫此
甚為放麋誠不忍

此句與上句若不相屬而意在言外業林所謂活句也按韓非子孟孫獵得麋

使秦西巴載之持歸其母隨之而啼秦西巴弗忍而與之孟孫大怒逐之三月復召以為子傳曰夫不忍麋且忍吾子乎唐陳子昂感遇詩曰吾聞中山相乃屬放麋翁孤獸猶不忍況以奉君終嗚呼觀過可以知仁后山越法出境以送師一代不數人百年能幾見授徐州教友亦放麋之類也授啓亦曰昨緣知舊出守東南念一代之數人而百年之幾見間以重江之阻冀期再歲之逢使一有于先顛為兩途之後悔又謂中山之相仁于放麋亂世之雄疑于食子惟其信之既篤所以行之不疑云云其曰中山之相蓋承子昔為馬口銜今為禁門鍵鮑照詩昔如韝昂之誤也

上鷹今作檻中

猿老杜詩昔為水上鷗今如置中兔后山此句頗用其律馬銜猶可脫去禁鍵不容輒開言官身拘係不可輒出也退之詩歸來得便即游覽暫似壯馬脫重銜按律宮殿門忘誤不下鍵及毀管鍵而開者皆出罪王逸注

楚辭大司命
日大開禁門
一雨五月涼
中宵大江滿
風帆目力短
江

空歲年晚

風帆愈遠恨目力不能送之人去江空恍然自失吾之年歲日已遲暮懼其不復再見也

其愛賢惜別之意可謂切矣韓詩歲聿其暮薛君曰言君之年歲晚也

送秦觀二首

觀從東坡學于杭州

士有從師樂諸兒卻未知欲行天下獨信有俗間疑

柳

厚答韋中立論師道書曰獨韓愈奮不顧流俗抗顏而為師世果羣怪聚罵又曰天下不以非鄭尹而快孫子何哉獨為所不為也漢書陳遵傳曰浮湛俗間秋入川原秀風連鼓角悲

老杜詩中

原鼓
目目前狔犬類未必慰親思

子不肖而在親側雖無離憂其志不樂也王修

戒子書曰我老矣所恃汝等皆不在目前意皇皇也晉書列女傳周嵩曰惟阿奴碌碌當在母目下耳吳志孫權傳曹操曰生子當如孫仲謀劉景升兒子豚犬耳

師法時難得親年富有餘

荀子曰有師法者人之大寶也北史盧誕傳曰經師易求

人師難得漢書齊襄王傳曰皇帝春秋富注云比之于財方未匱竭

端為李君御

後漢李膺傳

爽嘗謁膺因為其御既還喜曰今日乃得御李公矣

盡得鄴侯書

退之送諸葛覺往隨州讀書詩

云鄴侯家多書插架三萬軸

結友真莫逆

史記廉頗傳燕王私握臣手曰願結交莊子曰子桑

戶孟子反子琴張三人相視而笑莫逆于心遂相與友

論才有不如

終上句意言亦當擇交無

友不如己者折腰終不補

晉書陶淵明傳吾不能為五斗米折腰拳拳事鄉里小兒退之復志

賦曰豈不登名于一科兮曾不補其遺餘此句后山自道也可但曳長裾嚴武詩可但步兵偏

愛酒漢書鄒陽傳何王之門不可曳長裾詩意謂微官之與布衣其得失相去無幾不必以貧賤依人為羞也

和江秀才獻花三首

風雨東籬冷落看

陶淵明詩採菊東籬下悠然見南山

清溪水落玉峰寒

老杜九日藍田莊詩云藍水遠從千澗落玉山高並兩峯寒

酒家不辦當壚費

當壚事見

司馬相如傳觀末篇落句江君當是酒家

乞與先生種杏壇

莊子曰孔子休坐乎杏壇之上

后山時為徐州學官云

疎花得雨數枝黃白髮緣愁百尺長

老杜丁香詩疎花枝素豔李太白詩

白髮三千丈
緣愁似个長
要與老生同一醉
故留秋意作重陽

江公孤憤不宜秋

韓非子有孤憤篇李商隱詩歸夢不宜秋

吟作秋蟲到白

頭

東坡詩云吟詩莫作秋蟲聲天公怪汝鉤物情使汝未老華髮生

過我可為千日醉

博物志曰中山有酒飲者一醉千日

從公難作百錢遊

詩意謂官居不可放浪也晉書阮修

傳常以百錢掛杖頭至酒店便獨酣暢東坡詩芒鞋青竹杖自掛百錢遊

次韻李節推九日登南山

平林廣野騎臺荒

詩曰依彼平林漢書鼂錯傳平林廣野此車騎之地文選謝宣遠靈運皆

有九日從宋公戲馬臺集送孔令詩李善注云蕭子顯齊書宋武帝為宋公在彭城九日出項羽戲馬臺至今

相承以為舊準按騎臺即戲馬臺樂史寰宇記曰戲馬臺在徐州彭城縣南三里山寺鳴鐘報

夕陽

老杜詩人扶報夕陽

人事自生今日意寒花只作去年香

李後

主詩鬢從近日添新白菊是去年依舊黃老杜詩寒花只暫香

巾幘更覺霜侵鬢

用落帽事

語妙何妨石作腸

漢書賈捐之傳君房下筆言語妙天下唐皮日休桃花賦序云宋廣平為

相貞姿勁質剛態毅狀疑其鐵腸與石心不解吐婉媚辭然觀其文而有梅花賦清便富麗得南朝庾徐體殊不類其為人

落木無邊江不盡

老杜登高詩無邊落木蕭蕭下不盡長江滾滾來

此

身此日更須忙

言節物可念政應行樂尚須汲汲于世故耶

別負山居士

張仲連

田園相與老此別意如何

漢書汲黯傳隱于田園老杜詩此別意茫然又詩主簿意

如更病可無酒

言臨分不可不飲縱復病惱猶當勉強也樂天詩欲別能無酒

猶寒已

自和

韓偓詩春陰漠漠土脈潤寒氣微微風意和

高名胡未廣

後漢許邵傳曰與兄靖俱

有高名穀梁曰心志既修而名譽不聞友之過也

詩興尚能多

老杜詩憶在潼關詩興多退之

詩四句意能多

沙草東山路猶須一再過

一再字見司馬相如傳

送趙教授

束髮相看到白頭了知公鬢不勝憂

司馬彪續漢書曰卓茂自束髮至白

首未嘗與人有過杜牧詩公道世間惟白髮貴人頭上不曾饒

可堪親老須三釜

莊子曰曾

子再仕而心再化曰
吾及親仕三釜而樂

又著儒冠忍一羞

老杜詩儒冠多誤身左氏曰一

慙之不忍而終身慙乎

平世功名須晚節向來旬月取封侯

此句用東

方朔答客難意熙豐間士大夫進用甚峻今不然也孟子曰禹稷當平世漢書鄒陽傳云晚節末路車千秋傳

云旬月取宰相封侯

北州豪傑知誰健

趙君當是北人後漢光武紀北州弭定竇憲傳曰西

州豪傑遂復附從老杜詩明年此會知誰健

乞我黃淤十里秋

乞字作去聲讀歐公詩知

君欲別西湖去乞我橋南菑菑香又詩換得西湖十頃秋黃淤謂河水所淤之田也漢書溝洫志曰河水有所游盪時至而去則填淤肥美民耕田之或久無害老杜用填淤字作平聲東坡亦云楚人種麥滿河淤

次韻春懷

欲作歸田計

文選張平子有歸田賦

無如二頃何

史記蘇秦傳使我有雖陽負郭

田二頃豈能佩六國相印乎

折腰方賴祿

折腰見前注老杜詩上公有薦者累奏資薄祿

拭

面未傷和

唐書婁師德傳師德弟守代州辭教之耐事弟曰人有唾面潔之而已師德曰未也潔之

是違其怒正使自乾耳公羊傳曰孔子反袂拭面老杜施子詩云與道氣傷和

日下烏聲樂

左傳

鳥鳥之聲樂

塵生鳥跡多

世說晉簡文帝為撫軍時牀上塵不聽拂見鼠行跡視以為佳后山

蓋用此意 渡頭留小楫乘興得相過

乘興見前注文選阮籍詩趙李相經過

黃梅五首

異色深宜晚

玉臺新詠沈約芳樹詩曰氣氲非一番參差多異色

生香故觸人

石曼卿

卿詩樂意相關禽對語生香不斷樹
交花樂天榴花詩香塵擬觸坐禪人
不施千點白宋王登徒

子好色賦曰著粉
太白施朱太赤
別作一家春一家春見前注

舊鬢千絲白老杜詩人生不再
新梅百葉黃老杜詩終然振

撥損得悵
千葉黃
留花如有待退之詩留花不發待郎歸
迷國更須香言其色自

足迷國也尚何須香耶宋玉賦
曰嫣然一笑惑陽城迷下蔡

冉冉梢頭綠婷婷花下人東坡詩冉冉綠霧生人衣杜牧之詩豈窺梢頭二月初元

微之李娃行曰王
顏婷婷街下立
欲傳千里信暗折一枝春見前注

黃裏含真意退之燈花詩黃裏排金粟蓋謂額間花鈿也此借用
春容帶薄寒趙師

民詩委地露花啼曉
恨拂堤煙柳弄春容
欲知誰稱面
劉禹錫詩綺季衣冠稱鬢面
徧插

一枝看

花裏重重葉釵頭點點黃
祇應報春信故作著人香
王臺

新詠徐君舊詩草短
猶通標梅香漸著人

田家

鷄鳴人當行犬鳴人當歸
秋來公事急出處不待時
左傳

曰公事有公利孟子曰
公事畢然後敢治私事
昨夜三尺雨竈下已生泥
人言

田家樂爾苦人得知
漢書楊惲曰田家作苦歐陽公歸田樂詩曰田家之樂知者誰我獨

知之胡不歸爾苦
猶言如許苦也

巨野二首

當是移潁州
教授時所作

紅落芙蓉晚青深蒲稗秋

謝靈運詩蒲稗相因依

平湖無過鳥鳴

鼓有行舟

老杜詩打鼓發船何處郎

蒲港侵衣綠蓮塘亂眼紅

退之送王損序云猶航斷港絕潰老杜竹詩色侵書帙亂

宋宮公集梁山泊水無岸行舟多穿菰蒲為道州人謂之蒲港此港字恐當作菰

將身供世事

結纜待回風

老杜詩惟將遲暮供多病又詩結纜排魚網又詩回風吹早秋

別叔父錄曹

為吏專刑法

漢書薛宣傳吏道以法令為師

成家託弟昆

老杜詩實惟親弟昆

三

年如昨日一笑更何言

三年一笑用列子事見前注

扶老須微祿

漢書

孔光傳賜太師靈壽杖注扶老杖也老杜詩耽酒須微祿

移官實至恩

老杜詩微官近至尊時后

山自徐學移穎王

兩疏元父子何日復東轅

漢書疏廣傳廣謂兄

吉傳可謂至恩

子受曰豈如父子相隨出關歸老故鄉乎遂上疏乞骸骨公卿大夫故人邑子設祖道供張東都門外東轅猶

左氏所謂

南轅反旆

出清口

家世山東飽耕稼

孟子曰自耕稼陶漁以至為帝

晚託一舟順流下

爾雅

順流而下

日汴游 漁溝寒餅不下筋推拖轉頭更五夜

意謂發

尚未夕食舟行已遲明矣王介甫詩在村炊米朝食魚日暮榮陽驛中宿與此同意晉何曾傳猶言無下筋處

老杜詩捩拖開頭捷有神漢儀中黃門持五夜

平明放溜出清口霜落潮回霧

連野

歐公詩江城月下夜聞歌淮浦山前朝放溜

平淮一夢三十里有日無

風神所借

撫遺新說王勃自洪州旋舟謝向時所見老叟曰神既借以好風躬修牢酒以報神賜

似憐憂患滿人間百孔千瘡容一罅

退之答孟簡書曰羣儒區區修補百

孔千瘡隨亂隨失

文章末技將自効

老杜詩文章真小技班固幽通賦曰操末技猶必然

今文選任彦昇作王文憲集序曰昉嘗以筆札見知思以薄技効德漢書蕭望之傳曰爭願自効

語不

驚人神可嚇

后山自謂文章尚不能動人山川之神其可嚇耶老杜詩為人性僻耽佳句語不驚

人死不休莊子曰今子欲以子之梁國而嚇我耶嚇音許嫁反子女玉帛君所餘

左傳曰子

女玉帛則君有之羽毛蓋革則君地生焉其波及晉國者君之餘也按搜神記吳郡太守張公直過廬山其子夢為廬山君所聘怖而遽發中流船不寄聲白鳥煩多行下女水中此詩所言子女謂此類也

謝

漢書趙廣漢傳曰寄聲謝我又曰為我多謝問趙君

泛淮

冬暖仍初日潮回更下風鳥飛雲水裏人語櫓聲中

退之

進學解曰冬暖而兒號寒杜牧之詩鳥去鳥來山色裏人歌人哭水聲中

平野容回顧

言望鄉之

眼不為重山所隔老
杜詩平野入青徐
無山會有終
言雖未有可隱之山
豈終老于行役而不

返故里耶此移潁時所歎也易曰君子
有終老杜詩人生亦有初此效其律
倚檣聊自逸吟

嘯不須工

晉書王廙倚柁樓長嘯神氣甚逸王導謂庾
亮曰世將為傷時識事亮曰正足舒其逸氣

耳又庾永吟嘯鼓柁汴流而
去東坡詩云作詩不須工

猴馬
并引

楚州紫極宮有畫沐猴振索以戲馬頓索以驚

圉人不測從後鞭之人言沐猴宜馬而今為累

作詩以導馬意

韓鄂四時纂要曰常繫獼猴于
馬房內辟惡消百病令馬不著

疥

沐猴自戲馬自驚

漢書項籍傳楚人沐猴而冠

圉人未解猴馬情

周禮

圉師掌教圉人養馬

猴其天資馬何罪

史記商君贊其天資刻薄人也

意欲防患

猶傷生

宋書王泰曰酒雖會性亦以傷生

異類相宜亦相失同類相傷

非所及

非所及猶言非思慮所及也物惡傷其類此理之固然而其間亦有相傷者豈可復以常禮待

之耶文選李陵書曰但見異類此借

志行萬里困一誤

用史記孔子世家曰君子諱傷其類

吳志陸遜傳志行萬里不中道而輟足老

杜詩

當時歷塊誤一蹶委棄非汝能周防吐豆齧芡甘

伏櫪

唐李林甫傳曰君等不見立仗馬乎終日無聲而飲三品芻豆一鳴則黜之矣莊子馬蹄篇齧草飲

水翹足而陸伏櫪見前注后山自徐學除太學博士以
言者罷既而移潁州故有同類相傷與志行萬里困一
語之

徐氏閒軒

徐氏謂徐大正東坡亦有閒軒詩

倦遊梁楚愛吾廬老寄山林孰與娛

漢書司馬相如傳曰客遊梁又曰長

卿故倦苻淵明詩吾亦愛吾廬

想見杖藜臨過鳥

言軒檻之高莊子曰原憲杖藜而應門柳

子厚柳州山水記曰乃臨大野飛鳥皆視其背

更能赤手縛於菟

魯直詩守心如縛虎此用

其意言處閒之難也東坡詩當年老使君赤手降於菟左傳曰楚人謂虎於菟

君寧平世輕三

金

孟子曰禹稷當平世三金見前注

我亦東原有一區

漢書揚雄傳擬有宅一區

買嬋娟作歸計可無堆玉斗量珠

元微之李娃行曰平常不是堆珠玉難得

門前暫徘徊劉禹錫泰娘歌曰路旁忽見停羣獮斗量明珠鳥傳意按嶺表錄異梁氏女有容貌石季倫以真

珠三斛買之

即綠珠也

寄豫章公三首

后山自注云許官茶未寄○黃魯直家于洪州之雙井洪即古豫章

密雲不雨卧烏龍

張舜民小說云熙寧末神廟有旨下建州製密雲龍其品又高于小團周

易密雲不雨自我西郊此借用言茶之未破

已足人間第一功

言未戰而勝睡魔也漢書

蕭何功第一

得諾向來輕季子

漢書季布傳楚人諺曰得黃金百不如得季布

無汗馬之勞

諾打門何日走周公

盧仝謝孟簡惠茶詩曰日高丈五睡正濃將軍打門驚周公蓋用魯

論不復夢見周公意后
山為學官暗用邊韶事

愧無一縷破雙團

破團茶法多以線縷解之雙團謂大小團也

慣下薑鹽枉

肺肝

薛能烏背茶詩云鹽損添常戒薑宜煮更鮮東坡和寄茶詩云老妻稚子不知愛一半已入薑鹽煎

誓酒不應忘此老

晉書劉伶傳伶妻勸伶斷酒伶曰吾不能自禁惟當祝鬼神自誓耳后山

持律酒戒甚

嚴故有此語
論詩寧肯乞麗官

薛能謝王彥威寄茶詩曰麗官寄與真拋卻賴

有詩情合得
嘗乞音氣

人須百斛買雙鬟

百斛見前注玉臺新詠辛延年詩曰一鬟五百萬兩鬟千萬餘魯直詩欲

買娉婷歌煮茗我
無一斛明月珠

水截龍章試虎斑

史記蘇秦傳水截鴻鵠晉書嵇康傳

龍章鳳姿此借用其字
龍章謂茶虎斑謂蓋

老覺才疎渾不稱自攜雲月寫

潺湲

樂天詩一別承明三領郡從教人道是麤才老杜詩雲月遞微明此借用其字言建瓷如雲中之月

也張平子思立賦曰亂弱水之潺湲字
林曰潺湲流貌湲音爰亦音侯頑切

贈秦觀兼簡蘇迨二首

兩秦並立難為下

史記孟嘗君傳云勢不兩立為雄世說後漢陳寔二子紀字元方謚字季

方寔曰元方難為兄季方難為弟此句用其事魏略桓範妻曰君前在東坐欲擅斬徐州人謂君難為下今羞為呂昭屈難為上
萬里長驅在此初

成都記萬里橋後主時費禕聘吳諸

葛亮祖于此禕曰萬里之行故始于此矣

別後未忘三日語

唐書陸贄傳張鑑有重名贄往

見語三人來肯作數行書

老杜詩相看過半百不寄一行書

文章從古不同時

言知音未必並世也漢武聞司馬相如賦曰朕獨不得與此人同時哉

詩語驚人筆亦奇

詩語驚人見前注范蔚宗傳諸序論筆勢縱放實天下之奇作柳子厚先

友記曰韓曾弟愈文愈奇

過與阿平應絕倒

晉書王澄聞魏珣言輒歎息絕倒時人為之語

曰魏珣談道平子絕倒又世說云阿平若在當復絕倒阿平蓋以屬仲豫

世間能有幾人知

貫休詩云禪客相逢只彈指此心寧有幾人知

次韻秦少游春江秋野圖

后山自注云宗室所畫

翰墨功名裏江山富貴人
倏看雙鳥下已負百年身

南史

梁忠烈世子方等傳云性愛林泉特好散逸嘗著論曰
吾不及鳥魚遠矣鳥魚飛浮任其志性吾之進退嘗在
掌握若使吾終得與魚鳥同遊則去人間如脫屣耳此
宗室事故后山引用蓋舊制宗室在宮有出入之限有
不許外交之禁故也老杜詩
長為萬里客有愧百年身

江清風偃木霜落雁橫空

老杜詩長林偃風色

若箇丹青裏猶須

著此翁

后山自注曰秦詩云請君添小艇畫我作漁翁
○言少游方見用于世非江海之士不當畫之

漁舟也晉書顧愷之為謝鯤象在石巖裏曰此子宜置
丘壑中后山蓋反此意著字嘗經東坡用之所謂戲著
幼與巖谷裏是也老杜詩秋色彫春草王孫若箇邊黃
魯直答王立之書曰小詩若能令每篇不苟作須有所
屬乃善頃來詩人惟陳無已得此意每令人歎伏之蓋
渠勤學不倦味古人語精深非有謂不發于筆端耳觀

此詩信魯直之善論也

幼嶺

后山自注云外氏有石象山號幼嶺

外家英俊場

漢書枚臯傳與英俊並游柳子厚書曰鼓行俊造之場

季氏不好弄

季氏猶詩所謂伯氏仲氏左傳曰夷吾弱不好弄

用意丘壑間頗以石自奉

班固

序傳班旂曰漁釣于一壑則萬物不好其志棲遲于一丘則天下不易其樂

誰言拳握間

漢後

張湛傳拳握之物足富十世

意作萬牛重

老杜古柏行萬牛回首丘山重

岱宗小天

下孟子登太山而小天下

不辦一席用

東坡六一泉銘載惠勸語曰西湖蓋歐公几案間一

耳物

絕句

斫水水可斷

越王勾踐有八劍二名斫水以之指水開即不合

續弦弦可完

東方

朔十洲記曰煮鳳喙麟角合煎作膠名之為續弦膠兩句言物理之間合者固有時可斷而斷者寧不可復續耶而客主之交一絕不續亦可歎矣

如何鄭公客不作百年看

漢書鄭當時傳兩人

中廢賓主益落故班固作贊引廷尉翟公一死一生乃見交情之語此詩必有謂而作也

贈歐陽叔弼

叔弼名棐六一居士之第三子家于潁州

早知汝穎多能事

晉書周顗傳汝穎多奇士能事字出周易汝穎多奇士本曹操語

晚

以詩書託下僚

選詩英俊沈下僚

大府禮容寬嬾慢

漢書云敞傳贊再入

大府老杜詩自識將軍禮數寬晉故家文物尚嫖姚故

嵇康與山濤書云嬾與慢相成

遺俗見孟子左傳臧哀伯曰文物以紀之此借用漢志

景星歌曰五音六律依韋響昭雍變並會雅聲遠姚注

云姚嫖姚

言飛揚也只將憂患供談笑

憂患字見易繫辭王介甫詩已將流景供談笑聊謂

知音破鬱陶

敢望功言答聖朝

功言見前注老杜詩未有涓埃答聖朝

三仍此地

歲歷四三謂十二年也下篇亦云中年見二子已復歲一終尚書或四三年此借用其字

也家餘五一見今朝

歐陽文忠公自號六一居士作傳曰吾家藏書一萬卷集錄三代以

來金石遺文一千卷有琴一張有碁一局常置酒一壺客曰是謂五一耳何如居士曰以吾一翁老于此五物

之間是豈不為六一乎時居士已薨故曰家餘五一



后山詩注卷二

欽定四庫全書

集部

后山詩注卷三

詳校官庶吉士臣汪彥博

檢討臣何思鈞覆勘

總校官候補書臣潘有為

校對官編修臣錢樾

謄錄監生臣周以燾

欽定四庫全書

后山詩注卷三

宋 陳師道 撰

任淵 注

觀克國文忠公家六一堂圖書

歐陽文忠
封克國

生世何用早我已後此翁

柳子厚答元饒州論陸先生
春秋書曰若吾生前距此數

十年則不得是學矣今適後之不為不遇也此句頗用
其意且為下句張本曹子建求自試表曰士之生世入

則事父出
則事君

頗識門下士

南豐東坡皆六一門下士東坡
送曹子固詩曰醉翁門下士雜

皆難略已聞其風

莊子雜篇曰墨翟禽滑釐聞其風而悅之

中年見二子

晉書

王羲之傳謝安曰中年以來傷于哀樂

已復歲一終

左傳

晉侯曰十二年是謂一終一星終也

呼我過其廬所得非所蒙

漢書貢禹傳誠非草

茅愚臣所

先朝羣玉殿

范蜀公東齋記嘉祐七年十二月二十三日召近臣天章閣下

觀書閱瑞物上親作飛白書令左右搢笏以觀又令王

禹玉跋尾人賜一紙既而置酒羣玉殿云云歐公有謝

賜飛白書詩并序其遊其事長編丙

申庚子凡兩宴羣玉殿賜書在丙申

冠佩環羣公

雲漢詩羣

公先

神文煥王度

仁宗謚號神文聖武明孝皇帝左

喜

色見天容

老杜詩天顏有喜近臣知

御榻誰復登

法書要錄

曰唐太宗宴玄武門作飛白書衆臣乘酒就太宗書手中相競散騎常侍劉洎登御牀引手然後得之帝書

元自工

此言仁宗之書元自工非因揣而大也下句蓋終此意南史劉穆之傳宋武帝書素拙穆之曰

公但縱筆為大字一字徑尺無嫌大既是有所包其勢亦美帝從之一紙不過六七字便滿故東坡謝賜御書

表曰筆縱字大

笑宋武之未工黃絹兩大字

老杜詩鬱鬱三大字蛟龍岌相纏

一覽涕

無從

世說王東亭曰一覽而盡禮記孔子曰子惡夫涕之無從

似欲託其子天意與

人同

謂英廟也孟子曰天與子則與子韓魏公作仁宗哀冊敘羣王賜書事云因疑前會之非常似與羣

王之敘訣意當時必有顧託之語也七年八月英宗立為皇子十二月宴羣王皇子預宴又詔韓琦至御榻前

賜酒一卮明年三月仁宗崩

歷數況有歸

尚書舜命禹曰天之歷數在汝躬

敢有貪

天功

左傳晉侯賞從亡者介之推不言祿曰天未絕晉必將有主主晉祀者非君而誰天實置之而二三

子以為己力不亦誣乎竊人之財猶謂之盜況貪天之功以為己力乎初元豐三年王堯臣之子同老上書言其父定策之功詔贈太師元祐五年殿中侍御史賈易言堯臣掩韓琦之大勲故此句指其事 集古一

千卷明明並羣雄

集古目錄跋見居士集

誰為第一手未有百世

公

百世公謂公論也與上羣公韻不相妨南史齊高帝嘗與王僧虔賭書筆帝曰誰為第一僧虔對曰臣書

臣中第一陛下

廟器刻科斗寶樽蟠華蟲

尚書序疏曰科斗書古文

也所謂蒼頡本體尚書注華蟲雉也宗廟彝樽亦以山龍華蟲為飾此言集古鍾鼎書

緬懷弁服

士酬獻鳴琤琮

弁服士謂陪祭諸臣韻書曰琤琮佩聲也文選潘岳西征賦曰想佩聲之遺響

若鏗鏘插架一萬軸退之詩鄴侯家多遺子以固窮前

之在耳韋賢傳遺子黃金滿籬不如素琴久絕絃晉書陶潛傳

教子通一經固窮見魯論絃不具韓詩外傳鍾基酒頗闕供自集古一千卷以

子期死伯牙擗琴絕絃贈叔弼詩春明退朝錄曰宗袞嘗言律云可從而違堪

供而闕亞六經之文明皇幸蜀記韋諤曰先無闕擬又恐闕供向來一辦香敬為曾南豐世雖嫡孫行向來見

此借用方開堂至第三辦香推本其得法所自則云此一辦香

敬為某人云云曾鞏子固建昌南豐人于歐公猶宗門中嫡子而后山又師南豐乃其孫也后山以東坡薦得

官作此詩時東坡政為郡守終無少貶阿附之意可謂特立之士矣然亦知東名在惡子中此后山自貶損也

坡之大必能受之也前漢尹賞傳賞為

長安令舉長安中輕薄少年惡子悉籍記之

斯人日已遠千歲幸一逢

老杜詩古

人日已遠青史字不泯東坡答舒煥書云歐陽公天人也天之生斯人意其甚難非且使之休息千百年恐未能復生
吾老不可待草露濕寒蒼草露濕寒蒼自言哀傷之意寄于詩什如
斯人也
秋蟲之悲鳴也歐公詩蓋云堪笑區區郊與島螢飛濕露吟秋草老杜詩草露亦多濕

送蘇迨

胷中歷歷著千年

北史崔陵傳鄭伯猷歎曰胷中貯千卷書使人那得不畏服老杜詩歷歷

開元事分明在目前傳燈錄智常禪師謂李渤曰使君摩頂放踵如柳葉大萬卷書在何處著此詩用著字甚佳
筆下源源赴百川
唐蔣煥送魏淄州序云筆海納流于百川詞鋒削成于二華孟子注

云原原如流水與源通荀子宥坐篇論水曰其赴千仞之谷不懼似勇謝靈運擬魏太子詩曰百川赴巨海

真字飄揚今有種

真字多患窘束惟東坡筆墨超然于楷法之外退之雪詩皮濤何飄揚漢

書陳勝傳侯王將相寧有種耶

清談絕倒古無傳

絕倒見前注孟子曰是以後世無傳焉

出塵解悟多為路

傳燈錄讓禪師曰汝等六人同證吾身各契一路此言多為路言當開廣

不著一邊也

隨世功名小著鞭

言不用汲汲于功名也著鞭見前注樂天詩青雲上了無

多路卻要徐驅穩著鞭

白首相逢恐無日幾時書札到林泉

選詩客從

遠方來惠我一書札老杜詩時應問衰病書疏及滄浪

送黃生兼寄二謝二首

南第諸兄蚤相見

南第猶言南宅也南史元凶劭傳有此字

別時託子以無

倦

南史謝弘微傳叔父混為韻語以獎勸靈運等並有戒厲之言惟弘微獨盡褒美曰微子基微尚無倦由

慕蘭勿輕一簣少進往必千仞后山詩意謂黃百年論生諸兄以其弟託之為其好學蓋知所慕向也

交見子知

老杜詩論交翻恨晚百歲言其久要也左傳曰他日吾見子面而已今吾見子之心矣

一朝取別寧吾願

老杜詩取別何草草按十二國史云宓子賤為單父宰行過陽晝取別淵

明歸去來辭曰富貴非吾願

妙歲遠遊真所難

言其不懷安也

肯為得官近

長安

唐人語曰欲得官近長安

聖作詩書端有意猶須用心科舉外

意譏王氏經術其送邢居實序論之詳矣

城西兩謝俱能文，穰丞精悍吾所聞。

謝景初字師厚，子宗愜，皆知名。穰

縣今屬鄧州。漢書嚴延年為人短小精悍。

每讀吾詩得人意。

南史何遜傳：沈約曰：吾每讀卿

詩一日三復，猶不能已。後漢禰衡為黃祖作書記，輕重踈密各得其體。祖曰：處士正得祖意，如祖腹中之所欲。

言使不能文已可人。

世說：謝安少時請阮光祿道白馬于時，謝不能解。阮語重，相詔盡。阮

乃歎曰：非但能言人不可得，正索解人亦不可得。禮記雜記曰：管仲遇盜，取二人焉，上以為公臣，曰：所與遊辟

也可。我昔謝公門下士，早年妄作功名意。如今老寄潁

河東九泉雖深愧此公。

謝公即師厚，退之送陸暢詩：我實門下士，力薄蚋與蚊，受恩不

即報永負湘中墳，暢蓋長源之子也。此詩略采其意。

次韻蘇公西湖徙魚三首

窮秋積雨不破塊，霜落西湖露沙背。

退之詩：嗷嗷鳴鴈，鳴且飛窮秋。南去。

春北歸。又詩：時秋積雨霽，西京雜記：董仲舒曰：太平之時，雨不破塊。

大魚泥蟠，小魚樂

揚子

曰：龍蟠于泥，蛭其肆矣。莊子曰：儵魚出游從容，是魚樂也。老杜詩：小魚脫漏不可紀，半死半生猶戢戢。大魚傷

損皆垂頭屈強，泥沙有時立。

高丘覆杯水如帶

言水淺而丘露其狀如此。爾雅：釋丘曰：如

覆敦者，敦丘。注云：敦，孟也。何遜詩：溢水紫如帶。

魚窮不作搖尾憐

退之與韋舍人書：若俛首

帖耳，搖尾而乞憐者，非我之志也。

公寧忍口不忍膾

樂天詩：忍心兩三日，莫作破齋人。東

坡元韻云：老守縱饒，那忍膾。

脩鱗失水玉參差

柳子厚：鏡歌曰：手援天矛，截脩鱗。莊子曰：

吞舟之魚晚日搖光金破碎退之詩竹影金瑣碎此借

尺波濤有生死安知平陸無難瀨老杜觀打魚歌云

又詩終然此身寧供刀几用著意更須風雨外御史言

減難瀨蘇公舊

詩有聞諱而喜之語公遂其外補得潁州后山詩意或

謂此後篇又云防有任公釣江海亦此意也史記樊噲

曰入方為刀俎我為魚肉續世說曰周玄豹有裘許之

術見王都曰形若鯉魚難免刀机都竟被殺東坡詩天

公自著意是間相忘不為小左傳蹇叔曰必死是間

意誰得會莊子與惠子遊于濠梁之上莊子曰儵魚出

樂莊子曰子非我安枯魚雖泣悔可及古樂府曰枯魚

知我不知魚之樂過河泣何時悔

后山詩注

復及作書與鮐
鯉相教慎出入

莫待西江與東海

以上四句皆終前意
言外郡亦足為樂優

游卒歲可以避禍也莊子曰周顧視車轍中有鮐魚問
之對曰我東海之波臣也君豈有斗升之水而活我哉
周曰我且南遊吳越之王激西江之水而迎子可
乎鮐魚奮然曰君言此曾不如索我于枯魚之肆

赤手取魚如拾塊

孫樵與王霖書曰如赤手捕長蛇又
李商隱詩曰洞庭魚可拾不用更垂

蟹

布網鳴舷攻腹背

後趙王泰諫冉閔曰若
我出戰必腹背受敵

豈知激濁

與清流

唐書王珪傳曰激濁揚清吳志賀劭傳曰遂使
清流變濁北夢瑣言朱全忠賜舊相裴樞等自

盡李振曰此輩自謂清流宜投黃河
永為濁流魯直詩我亦洗前與清流
恐懼駢頭牽翠帶

易曰貫魚以宮人寵王弼注云駢頭相
次似貫魚也老杜詩水荇牽風翠帶長
居士仁心到魚

鳥

此句法用行葦詩仁及草木之意文選四子講德論曰恩及飛鳥列子曰天之于民厚矣植五穀生魚鳥

以為會有微生化餘膾

左思吳都賦曰雙則比目片則王餘注云越王膾魚未盡因以

其平棄之為寧容網目漏吞舟

晉書顧和答王導曰明公作輔寧使網漏吞舟

何緣採聽風聞以察察為政世說劉文

誰能烹鮮作苛

碎

老子曰治大國若烹小鮮

我亦江湖釣竿手

杜牧之詩惆悵江湖釣竿手卻遮西日向

長安誤逐輕車從下瀨

漢武帝紀公孫賀為輕車將軍甲為下瀨將軍鮑明遠詩後逐李輕

車生當得意落鷗邊

後漢梁竦曰生當封侯死當血食后山反而用之故下句云云列子

曰海上之人從漚鳥遊漚鳥之至者百數而不止其父曰汝取來偕玩之明日之海上漚鳥舞而不下文選子

虛賦云雙鷁下李善注引爾雅曰下落也
談苑載鄭文寶詩云雙溪時落海邊鷁
何用封侯墮

鷁外

後漢馬援傳援擊交趾破之封新息侯從容謂官
屬曰吾從弟少游常哀吾慷慨多大志當吾在浪

泊西里間膚未減之時仰視飛鷁跼跼
墮水中卧念少游平生時語何可得也
不如此意今得

所用孟子校人事
得其所以之意

置身暗與神明會

退之贈李觀詩曰
北極有羈羽南溟

有潛鱗川原浩浩隔影響兩無因風雲一朝會變化成
一身誰言道里遠感激疾如神世說謂晉武帝山濤不
學孫吳而徑須作記戒鯨鯢太白枯魚過河泣曰作
暗與之會

有任公釣東海

莊子曰任公子有大釣巨緇五十犢以
為餌投竿東海已而大魚牽巨釣而下

任公子得若
魚離而腊之

詩成落筆驥歷塊不用安西題紙背

此兩句指東坡詩語俊快書復雄奇

也漢書王褒傳曰駕轡駢乘旦過都越國蹶如歷塊柳子厚詩云書成欲寄庾安西紙背應勞手自題注云家有右軍書每紙背庾翼題云王會稽六紙 小家厚斂四壁立折東補西裳

作帶

此兩句自言窘于屬和也後漢陳蕃曰小家畜產百萬之貲寒山子詩與道殊懸遠折東補西爾左

傳曰樂桓子請帶于叔孫豹豹召使者裂裳帛而與之曰帶其褊矣 堂下穀觶牛何罪

見孟

子太山之陽人作膾

莊子曰盜跖膾人肝而脯之

同生異趣有如此

餅懸甕間終一碎

史記李斯傳曰異趣以為高退之送惠師詩云去矣各異趣何為浪沾巾

漢書陳遵傳揚雄作酒箴曰觀餅之居居井之眉處高臨深動常近危一旦東礙為甕所軋身提黃泉骨肉為

泥自用如此不如鷓鴣夷云云此詩言仁與不仁趣向各異而不仁者鮮有不及如鉗與鷓鴣夷所居不同要之鷓鴣夷保全而鉗終不免也賞音

流水長者今公是雨花散

亂投金瀨

金光明經曰流水長者自在光王之子也見有一池其水枯涸于其池中有十千魚遂將

二十大象載皮囊盛河水寫至池中水遂瀰滿又為施食解說十二因緣并稱說寶勝佛名後十千魚同日命終生忉利天是諸天子復至本處空澤池所復雨天花便從此沒還忉利宮法華經曰彌勒當知爾時彌勒菩薩豈異人乎我身是也求名菩薩汝身是也吳越春秋曰伍子胥伐楚還栗陽瀨水上欲報自殺婦人以百金不知其家投金人言充庖須此輩

老杜雞詩充庖爾輩瀨水中而去

人言充庖須此輩

輩肥脫

慈觀更須容度外

法華經偈曰悲觀及慈觀此引用當作去聲讀南史謝朓

為絕尤

傳曰殺之則成其賜牆及肩人得視此后山自言其詩

名正應容之度外淺近也下有答魏

衍詩亦云我詩淺短子貢牆衆目俯視無留公才槃槃

藏按魯論賜之牆也及肩窺見室家之好有憐其窮與不

一都會晉陽秋云諺曰大才槃槃謝家

朽我亦牽聯書玉海意謂好事者或以此詩附見東坡

字見左傳退之張法曹墓碣曰若爾吾哀必求夫子銘

是爾與吾不朽也又答元稹書曰足下與甄濟父子俱

宜牽聯得書南史張融自名

其集為玉海今以此東坡集

次韻蘇公觀月聽琴

清湖納明月遠覽無留雲

選詩璇題納明月嵇康琴賦

日情舒放而遠覽退之詩何

限青天

人生亦何須

東坡詩我生亦何須一飽萬想滅按蕭子顯齊書裴昭明日人生一

身之外亦

有酒與桐君

陶隱居本草序有桐君藥錄此借用意謂琴也

自醉寧

問客

用陶淵明意見後注

一盃復一樽

太白詩一盃一盃復一盃

平生今不飲

意得同酣醺

后山以戒律止酒高僧白密傳云神領意得頓盡言前

清言冰玉質

劉禹錫聯句云清言如冰玉逸韻貫珠璣

壞衲山水紋

東坡嘗披衲衣蓋金山了元師所贈也

彈精有後悟

自言鈍根領會之不早故彈竭其精思也

畜耳無前聞

言聞所未聞也

老杜詩畜眼未見有禮記檀弓曰何居我未之前聞也

潛魚避流光

水至清則無魚蓋此意也

文選袁宏三國名臣序贊曰潛魚擇淵上林賦曰擊流光曹子建詩明月照高樓流光正徘徊

歸鳥投

重昏

老杜詩仰羨黃昏鳥投林羽翮輕文選頭陀寺碑曰曜慧日于康衢則重昏夜曉

信有千

丈清不如一尺渾

四句皆勸蘇公舍垢納污之意涉潁詩亦云至潔而納污此水真吾師蘇

公送魯元翰詩云皎皎千丈清不如尺水渾故后山言信有以印之老杜詩信有人間行路難

次韻蘇公涉潁

衝風不成寒

楚辭衝風至兮揚波注衝隧也

脫木還自奇

文選謝莊月賦曰洞庭始

波木葉微脫

坐看白日晚起行清潁湄

楚辭九歌曰白日晚其將入兮文選虞

子陽詩曰飛狐白日晚

三穴未為得

馮諼曰狡兔三窟僅得免死晉書王衍謂弟澹敦曰卿二

人在外而吾留此足以為三窟矣司馬相如傳楚亦未為得也

一舟不作癡

二句似託意以坡避

謗請郡為得策晉傳咸傳楊濟與咸書曰生子癡了官

事官事未易了也了事正作癡復為快耳詩意謂放情

物外非俗路暗鳥遺音周易小過飛江清魚弄姿後漢

吏所為鳥遺之音江清魚弄姿李固

傳搔頭弄姿老杜詩林宇定怪物變莊子曰宇泰定意

熱鳥開口江渾魚掉頭者發乎天光

行覺舟遲列子管夷吾曰恣意之所欲行劉禹錫蠻子

謂神遊八表公與兩公子妙語含風漪兩公子謂兩歐

非楫櫂所及陽也漢書賈捐

之傳曰君房下筆言語妙天下退之簞詩曰卷送但怪

八尺含風漪此借用以言風行水上自然成文也

笑談劇漢書揚雄口莫知賓主誰後漢書龐德公傳註

公值其渡沔上先人墓德操竟入其堂呼德公妻子使

速作黍須臾德公還直入相就不知何者是客也東坡

詩明日德公當上冢
不知誰主復誰賓

得句未肯吐鬱鬱見睫眉

魯直詩李侯有

句不肯吐又云眉間鬱鬱似陰功劉禹錫詩依依見
眉睫按莊子曰向吾見若眉睫之間因以得汝矣

相

從能幾何行樂當及茲

漢書楊惲傳人生行樂耳古詩曰為樂當及時何能待來茲

生忍自作難

自作難猶言徒自苦也太白詩迴山轉海不作難

百憂間一嬉

詩云

我生百憂莊子盜跖篇曰人上壽百歲中壽八十下壽六十除病瘦死喪憂患其中開口而笑者一月之中不過四五日

時尋赤眼老

傳燈錄廬山歸宗寺智常禪師以目有重瞳遂將藥手按摩目

皆俱赤世號赤眼歸宗東坡喜從僧遊故有此句

不探黃口兒

晉書王澄脫衣上樹探鵲鷄而

弄之劉琨謂澄外雖散朗而內實動俠以此處世難得其死家語曰孔子見羅雀者所得皆黃口小雀曰大雀

善驚而難得小雀貪食而易得北史崔陵
傳崔暹啓陵竊言文襄帝為黃額小兒
解公頭上巾

一洗七年縑

昭明太子作陶淵明傳曰取頭上葛巾漉
酒李太白詩豈負頭上巾沈休文新安江

水詩曰紛吾隔泥滓豈假濯衣巾願以潺湲水沾吾纓
上塵選詩京洛多風塵素衣化成縑縑黑色也蘇公謫

居黃州凡七年為
庾塵所汙多矣

至潔而納汙

左傳曰川
澤納汙

此水真吾師

老杜詩痛
飲真吾師須公曉二子

列子曰因往曉之司
馬遷書曰以曉左右

人自窮非

詩歐公作梅聖俞詩集序曰非詩之能窮人殆窮
者而後工也兩歐陽不肯作詩故欲以此曉之

再次韻蘇公示兩歐陽

公詩周魯後

謂歐公詩可繼
周詩魯頌也

曳曳垂天雲

莊子曰鵬怒
而飛其翼若

垂天府中顧長康

晉書顧愷之字長康桓溫引為參軍甚見親昵詩意以比趙德麟德麟時

簽判潁州按東坡泛潁詩亦曰趙陳兩歐陽同參天人師觀妙各有得共賦泛潁詩風味如麴君

開元傳信記曰葉法善與朝士數人會元真觀有人請麴秀才突入坐中少年秀美語論不凡葉疑其非人潛

飛小劍擊之應手墮地乃一酒榼中有美醞共飲之皆曰麴生風味不可忘也非公無此客晉書

謝安見桓溫既出溫問左右頗嘗見我有如此客否請壽兩山樽漢書樓護傳王

子上壽周禮司尊彝曰其再獻用兩山尊叔季大儒後謂叔弼季默兩歐陽

三偏醒亦同醺言其清而不隘老杜詩漁父忌偏醒南史羊侃傳不飲酒而好賓游終日獻酬

同其心與柏石堅退之詩相章成綺繡文老杜詩揮翰

醉醒生兩石間綺繡場歐公

詩亦云東家太守詩尤美組織文多難獨不補少戇今

章爛如綺

按漢哀帝紀止織綺繡

多難獨不補少戇今

兩句后山自謂也老杜詩多難身何補漢高

時無

帝紀曰王陵少戇魯論曰四十五十而無聞

古今異智有功名昏

史記平原君贊曰利令智昏後漢馬援傳論曰援戒人之禍智矣而

不能自免于讒隙豈功名之際理固然乎夫利不在可

身以之謀事則智慮不私己以之斷義必屬云云

使百尺底不作數斗渾

四句皆勸公潔身高退之意前漢溝洫志曰涇水一石其泥數

斗詩意謂功名之昏人猶泥之濁水

次韻蘇公勸酒與詩

五士三不同煩公以詩訴

東坡守穎時趙德麟作簽判后山為學官其兄傳道來過

而歐陽叔弼季默家居于潁東坡送傳道詩所謂五君
從我遊是也兩歐陽以新免母喪不肯作詩后山以持
律不飲酒故
強酒古所辭
孔叢子曰平原君強子高酒
曰堯舜千鍾孔子百觚古之

聖賢無不能飲也吾子何辭焉子高曰聖賢以
道德燕人未聞以飲也后山此句自解其不飲
妙語神

其吐
謂詩可以感鬼神也左傳曰神其
吐之乎此句勸兩歐陽作詩也
自念每累人舉

扇無我汙
兩歐陽以后山不飲酒故不作詩因有累人
之句晉書王導傳導不平庾亮常遇西風塵

起舉扇自蔽曰
復使兩歐陽縮手不分付
退之祭柳子
元規塵汙人厚文曰巧匠

旁觀縮
平生西方社
此以下后山自述高僧慧遠傳劉
遺民雷次宗等依遠遊止乃于精

手袖間
舍無量壽像前建齋立誓共期西方
努力須自度
古詩
樂天詩曰南祖心應學西方社可投
努力

加餐飯遺教經曰當念無常

不憂龜九頭

法苑珠林云唐趙文信暴

死三日復蘇自說閻羅王今引出庾信乃見一大龜身

一頭九作人語云我為生時好作文章妄引佛經雜揉

俗書又誹謗佛

肯為語一誤此句本用百文野狐話而

法故受此苦前百丈云大修行人還落因果無丈曰不落因果以語

謬故墮野狐趣後百文為更之曰不昧因果晉書謝安

傳安語未嘗誤而忽

頓悟而漸修修一作進

從此辭世故

嚴

經曰理則頓悟乘悟併銷事非頓除因次第進傳燈錄

主峰禪師傳曰顯頓悟資于漸修陶淵明詩終身與世

辭文選嵇康書曰世

公看萬金產寧能一朝具言證果

故繫其慮七不堪也

進修之漸也退之詩指

渠相告言此是萬金產兩生文章家此以後屬兩歐陽

曰丈人以文律通流當世
鼎列天下號為文章家
夙紀鳴蟬賦歐公有鳴蟬賦又有跋云子因

學書起作賦草他兒一視而過獨小子隸守
之不去此兒必能為吾此賦也因以予之
請公堅城

壘世說謝胡兒語庾道季曰諸人暮當就卿談可堅城壘
兵來後無數前漢閩粵王傳曰漢

兵衆強即幸勝之後來益多
禮記聘義曰燕與時賜無數

次韻蘇公督兩歐陽詩

吟聲正可候蟲鳴

柳子厚詩門掩候蟲秋東坡詩云欲遣何人賡絕唱滿階桐葉候蟲吟

酒面猶須作老兵

言二君自可作詩尚何須待我飲耶晉書謝奕嘗逼桓溫飲溫走避之奕

遂引溫一兵帥共飲曰
失一老兵得一老兵

豈有文章妨要務

文選楊修答臨淄侯牋曰

若乃銘功景鍾書名竹帛斯自雅量所畜也豈與文章相妨害哉晉書謝安傳王羲之曰虛談廢務浮文妨要

吳志陸抗傳曰無用兵馬以妨要務孰知詩律自前生孰與熟同后山多用孰知字按資治

通鑑慕容翰曰且吾孰知步夜千之為人老杜詩曰詩律羣公問王維詩曰宿世謬辭客前生應畫師向

來懷壁真成罪左傳曰匹夫無罪懷璧其罪此句本用懷寶迷邦之意而借用此語以譬二子

不肯出詩未未必含光不屢驚此言雖欲自晦而固己免為累也駭世矣文選崔子玉座

右銘曰曖曖内含光莊子曰列禦寇遇伯昏瞀人伯昏瞀人曰奚方而反曰吾驚焉曰惡乎驚曰吾嘗食于十

餐而五餐先饋夫內誠不解形謀成光以外鎮人心使人輕乎貴老而齷其所患血指汗顏終

縮手退之有祭柳子厚文曰不善為跼此懷端復向誰血指汗顏巧匠旁觀縮手袖間

傾老杜詩曰一生襟抱向誰開
太白詩曰君心不肯向人傾

次韻蘇公題歐陽叔弼息齋

行者悲故里

漢書高帝紀
遊子悲故鄉

居者愛吾廬

陶淵明詩吾
亦愛吾廬

生

須著錐地

莊子曰堯舜有天下
子孫無置錐之地

何賴汗牛書

柳子厚陸
文通墓表

曰其為書處則充棟宇出則汗牛馬

丈室八尺牀稱子閉門居

唐顯慶中
王玄策使

西域至毗耶離城維摩居士石室以手板縱橫量之得
十笏故名方丈維摩經云即以神力空其室內惟置一

牀以疾而卧樂天閉居自題詩
曰此是白家翁閉門終老處

百為會有還

龐德公所
謂趣舍行

止亦人之窠穴也且
各得其棲宿而已

一足不願餘

一足字見前注左太
沖詠史詩曰飲河期

滿腹貴足
不願餘

紛紛老幼間失得了懸虛

人生自幼迨老或得或失懸知皆歸

于一空也

客在醉則眠聽我莫問渠

南史陶淵明傳淵明嘗曰我醉欲眠卿可去東

坡有詩反是曰醉中有客眠何害須信陶潛未若賢

論勝已絕倒

絕倒見前注

句妙方

愁予

楚辭目眇眇兮愁予此借用自恨其詩之不如也

竹几無留塵

選詩巢幕無留燕此

用其語律

霜畦有餘蔬

老杜詩霜中登故畦莊子曰鼠壤有餘蔬

相從十五年不

為食有魚

用史記馮驩事退之招楊之罟詩曰前陳百家書食有肉與魚

時須一俛仰

君可待遽際

說文曰遽際麤竹席也王介甫詩云牕明兩不借榻靜一遽際

次韻蘇公竹間亭絕句

后山自注云是夕公畫枯木

竹裏高亭燈燭光

老杜詩竹裏行厨洗玉盤又詩今夕復何夕共此燈燭光

今年復

得杜襄陽

晉杜預嘗鎮襄陽今以比蘇公

條看老蓋千年後

謂畫枯木老杜覓松

裁詩曰欲存老蓋千年意為覓霜根數寸裁

更想霜林百尺強

因以屬蘇公南史王規傳

曰王威明千里絕足百尺無枝真俊人也老杜詩四松初裁時大抵三尺強算家以有餘為強

寄參寥

吳中詩僧道潛自號參寥子

平生西方願

西方社見前注

擺落區中緣

淵明詩曰擺落悠悠談謝靈運詩曰緬邈

區中

惟于世人相從可忘年

南史江總傳張纘等與為忘年友

道人

贊公徒相識幾生前

老杜詩贊公湯休徒

早作步兵語

晉阮籍為步兵校尉

鍾嶸詩品曰籍詩雖無雕琢之巧而詠懷之作以陶冶性靈幽致言在耳目之內性寄八荒之表洋洋乎會于

風雅矣晚參雲門禪雲門大師文偃見傳燈錄拾策孤山下一室頗蕭

然孤山在錢塘昭明太子陶潛傳曰環堵蕭然林昏出幽磬竹杪橫疎烟杜

詩林昏罷幽磬孫昨日寄書至坐想參寥泉東坡嘗作參寥泉銘

序曰予出守錢塘參寥子在焉卜智果精舍居之鑿石得泉加列乃名之參寥泉此泉如此公

遇物作清妍退之月池詩若不如清妍卻成相映燭一別今幾時綠首成

白顛後漢蔡邕傳曰華顛胡老子亦憐我老我豈要子憐老杜詩不聞八尺身

常受泉目憐會逢萬里風一繫五湖船老杜詩安得萬里風又詩永繫五湖舟按

南史宗慤曰願乘長風破萬里浪國語曰范蠡遂乘輕舟以浮于五湖

酌我巖下水咽子

山中篇

東坡詩云吾詩堪咀嚙聊送別酒嚙

北渚

南蕩不可渡北渚風浪生

老杜詩春江不可渡二月已風濤又詩牛女年年渡何曾

風浪生

向來狐兔迹已復蛟鼉鳴

文選張夢陽詩云狐兔窟其中宋書五行志曰

吳孫亮初公安有白鼉鳴

東阡

東阡急雨不成泥

老杜詩急雨捎溪足又詩山雨不作泥

度密穿青取徑

微

歐公詩一徑入蒙密已聞流水聲行穿翠篠盡忽見青山橫老杜詩微徑不復取

邂逅無人

成獨往

詩曰邂逅相遇適我願兮莊子德充符注曰夫心之全也遺身形忘五臟忽然獨往而天下莫

能離

慇懃有月與同歸

老杜詩昨夜月同行

八月十日二首

一夢人間四十年只應炊竈固依然

異聞集云道者呂翁經邯鄲道上邸

舍中有少年盧生自嘆其貧困言訖即思寐時主人方蒸黃粱為饌翁乃探囊中枕以授之生夢自枕竅入其

家見其身富貴五十年老病而卒友伸而悟呂翁在旁主人炊黃粱尚未熟又退之詩云閭里故依然兩

官不辦一丘費

言俸薄不辦買山錢也時后山再為學官班固敘傳班嗣曰棲遲于一丘則天

子不易
其樂

五字虛隨萬里船

言空有詩名播于異域也北夢瑣言杜荀鶴詩只將五字

句用破一生心賈島哭孟東野詩云塚近登山道詩隨過海船老杜詩下臨不測江中有萬里船

人生七十今強半老去光陰已後身

老杜詩人生七十古來稀更欲

置身須世外世間元自不關人

樂天詩應須繩墨機關外安置疎愚鈍滯身又

云置心世事外無喜亦無憂

迎新將至漕城暮歸遇雨

早投林野遶風雨晚傍塵沙飽送迎

言出處勞逸之異也張華鶴鶴賦曰

遶鍾岱之林野老杜詩塵沙傍蜂蠆又詩徵君晚節傍風塵又詩萬里已渝曲三年實飽聞前漢韓信傳趨拜

送迎卻愧兩街屠販子臥聽車馬過橋聲

從俗疲苦反不如市人之安逸

也東坡詩識君拄杖過橋聲

即事

老覺山林可避人

魯論曰與其從避人之士也豈若從避世之士哉

正須麋鹿

與同羣

潘岳關中記曰辛孟年七十與麋鹿同羣遊世謂之鹿仙老杜詩全生麋鹿羣

卻嫌鳥

語猶多事強管陰晴報客聞

此句必有所指北史高阿那肱曰漢兒多事強知星

宿東坡詩不會人間閒草木預入何事管興亡魯直詩竹山蟲鳥朋友語討論陰晴怕風雨

齋居

青奴白牯靜相宜

黃魯直云趙子充示竹夫人詩蓋涼寢竹器憩臂休膝似非夫人之職為

名曰青奴傳燈錄長沙岑和尚曰髀奴白牯卻知有蓋謂水牯牛也此詩借用似言白角簾

老罷形

骸不自持

南史蔡興宗傳沈慶之曰加老罷私門兵力頓闕老杜詩白頭老罷舞猶歌漢書楊王孫

傳願進醫藥厚自持

一枕西牕深閉閣

漢書韓延壽傳入臥聽叢臥傳舍閉閣思過

竹雨來時

賈島詩宿客未眠過半夜獨聞山雨到來時

中秋夜東剝贈仁公

盈盈秋月不餘分

東坡樂府云三五盈盈還二八漢書律歷志曰商十二月甲申朔旦冬至

無餘分

葉露懸光可數塵

老杜對月詩此時瞻白兔直欲數秋毫

此地正須

煩一笑要令排戶問東鄰

柳子厚曰
填門排戶

十五夜月

向老逢清節歸懷託素暉

文選樂府云昭昭素月明輝光燭我牀

飛螢元

失照

老杜詩暗飛螢自照傳燈錄鹽官和尚曰日下孤燈果然失照

重露已霑衣

老杜詩重

露成涓滴謝莊月賦佳期可以還微霜霑人衣

稍稍孤光動沈沈萬籟微

文選鴈詩

單泛逐孤光此借用莊子顏成子游曰敢問天籟南郭子綦曰夫吹萬不同而使其自然已也

不應明

白髮似欲勸人歸

老杜月詩能忝白髮明詩意謂頭顱如許尚復俯仰世間為明月所照破

也

胡士彥挽詞二首

元茂

晚進違前輩

後漢孔融論盛孝章書曰今之少年喜誇前輩

平生闕異聞

魯論

亦有異聞乎

吾猶識此老天豈喪斯文

魯論曰天之將喪斯文也後死者不得與

于斯文也

善學家傳業

退之詩中郎有女能傳業

英詞世不羣

沈約宋書謝靈運傳

論曰英詞動金石老杜詩白也詩無敵飄然思不羣

固應譏尚白官序見揚雲

漢書

揚雄傳雄字子雲或嘲雄以玄尚白而雄解之號曰解嘲注云玄黑色也言雄作玄不成其色猶白故無祿位

也老杜詩官序潘生拙后山以揚子雲為揚雲猶老杜以司馬長卿為馬卿杜詩嘗云多病馬卿無日起

此地來何晚經年未見頻

老杜詩此地生涯晚又云卷軸來何晚

薦賢仍

賭命有道可辭貧

上句言其材雖為當世所知而達不達則係于命太白詩丈夫賭命報天

子當斬敵人衣錦還列子曰客有言之鄭子陽者曰列禦寇有道之士也居君之國而窮君無乃為不好士乎

徒弟三千子

史記孔子世家教弟子蓋三千焉

聲名四十春

老杜詩才名四十年

又詩龍飛

襄陽耆舊內無復姓龐人

晉習鑿齒作襄陽耆舊傳老杜詩為

四十春

于耆舊內試覓姓龐人謂龐德公也

后山詩注卷三